



言故闕焉

如淳曰班固目錄馮商長安人成帝時以能屬書待詔金馬門受詔續太史公書十餘篇師古曰劉歆十畧不

商陽陵人治易事五鹿充宗能屬文博通強漢興以來侯者百

數保國持寵未有若富平者也湯雖酷烈及身蒙

怨其推賢揚善固宜有後安世履道滿而不溢頌

之陰德亦有助云

張湯傳第二十九

聖旨

至正三年三月十四日篤憐帖木兒怯薛第三日

咸寧殿裏有時分速古兒赤江家奴云都赤蠻子殿中
俺都刺哈蠻給事中李羅帖木兒等有來脫脫右丞相
也先帖木兒平章鐵睦爾達世平章太平右丞長仙參
議李里不花郎中老老貞外郎李里不花都事等奏遼
金宋三國史書不曾纂修來歷代行來的事跡合纂修
成書有俺商量來如今選人將這三國行來的事跡交
纂修成史不交遲滯但凡合舉行事理俺定擬了呵怎
生奏呵奉

聖旨那般者

三月二十八日別兒怯不花怯薛第二日

咸寧殿裏有時分速古兒赤不顏帖木兒云都赤蠻子
殿中俺都刺哈蠻給事中孛羅帖木兒等有來脫脫右
丞相也先帖木兒平章鐵睦爾達世平章太平右丞旦
參政買木丁參議長仙參議韓參議別里不花郎中王
郎中老老負外郎孔負外郎觀音奴都事孛里不花都
事杜都事直省舍人倉赤也先蒙古必閣赤鎖住都馬
等奏昨前遼金宋三國行來的事跡選人交纂修成史
書者麼道奏了來這三國爲

聖朝所取制度典章治亂興亡之由恐因歲久散失
選文臣分史置局纂修成書以見

祖宗盛德得天下遼金宋三國之由垂鑑後世做一代盛
興交翰林國史院分局纂修職專其事集賢秘書崇文
并內外諸衙門裏著文學博雅才德修潔堪充的人每
斟酌區用纂修其間予奪議論不無公私偏正必須交
總裁官質正是非裁決可否遴選位望老成長於文才
爲衆所推服的人交做總裁官這三國實錄野史傳記
碑文行實多散在四方交行省及各處正官提調多方
購求許諸人呈獻量給價直咨達省部送付史館以備

采擇合用紙札筆墨一切供需物色於江西湖廣江浙
河南省所轄各學院并貢士莊錢糧除祭祀廩膳科舉
修理存留外都交起解將來以備史館用度如今省裏
脫脫右丞相監修國史做都總管交鐵時達世平章
太平右丞張中丞歐陽學士呂氏御揭學士做總裁官
提調官省裏交也先帖木兒平章政樞密院裏塔
失帖木兒同知姚副樞臺裏狗兒何張治書員木十
參議長仙參議韓參議右司王郎中左司王郎中老老
員外郎孔員外郎觀音奴都事六部各委正官
并首領官提調其餘修文的凡例合行事理交總裁官

修史官集議舉行呵怎生奏呵奉

聖旨那般者

三史凡例

一帝紀

三國各史書法準史記西漢書新唐書各國稱號等
事準南北史

一志

各史所載取其重者作志

一表

表與志同

一列傳

后妃

宗室

外戚

羣臣

雜傳

人臣有大功者雖父子各傳餘以類相從或數人共一傳

一三國所書事有與

本朝相關涉者當稟金宋死節之臣皆合立傳不須避忌其餘該載不盡從總裁官與修史官臨文詳議一疑事傳疑信事傳信準春秋

修史官員

都總裁

開府儀同三司上柱國錄軍國重事中書右丞相暨修

國史領經筵事臣脫脫

總裁官

光祿大夫中書平章政事知經筵事提調都水

監臣陸爾達世

榮祿大夫中書平章政事知經筵事臣賀惟一

翰林學士承旨榮祿大夫知制誥兼修國

史臣張起巖

翰林學士資善大夫知制誥同修國史臣歐陽

集賢侍講學士通奉大夫兼國子祭酒臣呂思誠

翰林侍講學士中奉大夫知制誥同修國

史同知經筵事臣揭傒斯

纂修官

正議大夫兵部尚書臣廉惠山海牙

翰林直學士朝請大夫知制誥同修國史兼

經筵官臣王沂

文林郎秘書監著作佐郎臣徐昂

將仕佐郎翰林國史院編修官臣陳繹魯

提調官

資德大夫中書右丞臣伯恭

榮祿大夫中書左丞臣姚庸

奉議大夫叅議中書省事臣長仙

通議大夫叅議中書省事臣呂彬

朝散大夫中書右司郎中臣悟良哈台

嘉議大夫中書左司郎中臣趙守禮

亞中大夫中書左司員外郎臣僕哲篤

亞中大夫中書省左司員外郎臣何執禮

儒林郎右司都事臣觀音奴

奉議大夫左司都事

臣

烏古孫良楨

嘉議大夫禮部尚書

臣

王守誠

中憲大夫工部尚書

臣

丁元

奉議大夫禮部侍郎

臣

老老

嘉議大夫禮部侍郎

臣

杜秉彝

進退史表

開府儀同三司上柱國錄軍國重事中書右丞相監修

國史領經筵事臣脫脫言竊惟天文莫驗於璣衡人文

莫證於簡策人主監天象之休咎則必察乎璣衡之精

監人事之得失則必考乎簡策之信是以二者所掌俱

有太史之稱然天道幽而難知人情顯而易見動靜者

吉凶之兆敬怠者興亡之機史臣雖述前代之設施大

意有助人君之鑑戒遼自唐季基于朔方造邦本席於

干戈致治能資於黼黻敬天尊祖而出入必祭親仁善

鄰而和戰以宜南府治民北府治兵春狩省耕秋狩省

欽吏課每嚴於芻牧歲饑屢賜乎田租至若觀市赦罪則昭合六典之規臨軒策士則恪遵三歲之制享國二百一十九載政刑日舉品式備具蓋有足尚者焉迨夫子孫失御上下離心驕盈盛而釁隙生讒賊興而根本蹙變強為弱易於反掌吁可畏哉天祚自絕大石苟延國既丘墟史亦蕪菲耶律儼語多避忌陳大任辭乏精詳五代史繫之終篇不舊史埒諸載記予奪各徇其主傳聞况失其真我

世祖皇帝一視同仁深加慈惻嘗

勅詞臣撰次三史首叙於遼六十餘年歲月因循造物

有待臣

脫脫

誠惶誠恐頓首欽惟

皇帝陛下

如堯稽古而簡寬容衆

若舜好問而濬哲冠倫

講經兼誦乎

祖謨

訪治旁求乎往牒茲修史事斷自

宸衷

睿旨下而徵聘行朝士賀而遺逸起於是命臣脫脫以中書右丞相領都總裁中書平章政事臣或陸爾達世

中書右丞今平章政事臣賀惟一御史中丞今翰林學士承旨臣張起巖翰林學士臣歐陽玄侍御史今集賢侍講學士兼國子祭酒臣呂思誠翰林侍講學士臣揭傒斯奉

命為總裁官中書遂選儒臣宗文太監今兵部尚書臣廉惠山海牙翰林直學士臣王沂祕書著作佐郎臣徐曷國史院編修官臣陳繹曾分撰遼史起至正三年四月迄四年三月發故府之積藏集遐方之輿獻蒐羅剔抉刪潤研劑紀志表傳備成一代之書臧否是非不迷千載之實臣脫脫叨承隆寄幸覩成功載宣

日月之光華願效涓埃之補報我

朝之論議歸正氣之直則辭之昌遼國之君臣有知善者喜而惡者懼所撰本紀三十卷志三十一卷表八卷列傳四十六卷各著論贊具存體裁隨表以

聞上塵

天覽下情無任慚懼戰汗屏營之至臣脫脫誠惶誠懼頓首頓首謹言

至正四年三月日開府儀同三司上柱國錄軍國重事書丞相監修國史領經筵事臣脫脫表

遼史目錄

本紀三十卷

第一

太祖上

第二

太祖下

第三

太宗上

第四

太宗下

遼史一

遼史二

遼史三

遼史四

第五

世宗

遼史五

第六

穆宗上

遼史六

第七

穆宗下

遼史七

第八

景宗上

遼史八

第九

景宗下

遼史九

第十

聖宗一

遼史十

第十一

聖宗二

遼史十一

第十二

聖宗三

遼史十二

第十三

聖宗四

遼史十三

第十四

聖宗五

遼史十四

第十五

遼史十五

聖宗六

第十六

遼史十六

聖宗七

第十七

遼史十七

聖宗八

第十八

遼史十八

興宗一

第十九

遼史十九

興宗二

第二十

遼史二十

興宗三

第二十一

遼史二十一

道宗一

第二十二

遼史二十二

道宗二

第二十三

遼史二十三

道宗三

第二十四

遼史二十四

道宗四

第二十五

遼史二十五

道宗五

第二十六

遼史二十六

道宗六

第二十七

遼史二十七

天祚一

第二十八

遼史二十八

天祚二

第二十九

遼史二十九

天祚三

天祚四

遼史三十

志三十一卷

第一

遼史三十一

營衛上

宮衛

第二

遼史三十二

營衛中

捺鉢

部族上

第三

遼史三十三

營衛下

部族下

第四

遼史三十四

兵衛上

兵制

第五

遼史三十五

兵衛中

御帳親軍

宮衛騎軍

大首領軍

衆部族軍

第六

遼史三十六

兵衛下

五京鄉丁

屬國軍

邊境戍兵

第七

遼史三十七

地理一

上京道

第八

遼史三十八

地理二

東京道

第九

遼史三十九

遼史目錄

五

地理三

中京道

第十

地理四

南京道

第十一

地理五

西京道

第十二

曆象上

大明曆元

第十三

曆象中

閏考

第十四

曆象下

朔考下

刻漏

第十五

百官一

通文目録

三

遼史四十

遼史四十一

遼史四十二

遼史四十三

遼史四十四

遼史四十五

象

官星

朔考上

通文目録

六

北面上

第十六

遼史四十六

百官二

北面下

第十七上

遼史四十七

百官三

南面上

第十七下

遼史四十八

南面下

第十八

遼史四十九

禮一

吉儀

第十九

遼史五十

禮二

凶儀

第二十

遼史五十一

禮三

軍儀

禮四

賓儀

第二十

遼史五十二

禮五

嘉儀上

第二十二

遼史五十三

禮六

嘉儀下

第二十三

遼史五十四

樂

國樂

雅樂

大樂

散樂

鼓吹樂

橫吹樂

第二十四

遼史五十五

儀衛一

國輿

漢輿

第二十五

遼史五十六

儀衛二

國服

漢服

第二十六

遼史五十七

儀衛三

符印

第二十七

儀衛四

國仗

漢仗

第二十八

食貨上

第二十九

食貨下

第三十

刑儀上

第三十一

刑法下

表八卷

第一

世表

第二

皇子表

第三

公主表

第四

遼史五十八

渤海仗

國簿儀仗總目

遼史五十九

遼史六十

遼史六十一

遼史六十二

遼史六十二

遼史六十四

遼史六十五

遼史六十六

皇族表

第五

遼史六十七

外戚表

第六

遼史六十八

遊幸表

第七

遼史六十九

部族表

第八

遼史七十

屬國表

列傳四十六卷

第一

遼史七十一

后妃

肅祖昭烈皇后蕭氏

懿祖莊敬皇后蕭氏

玄祖簡獻皇后蕭氏

德祖宣簡皇后蕭氏

太祖淳欽皇后述律氏

太宗靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿知皇后蕭氏

聖宗仁德皇后蕭氏

聖宗欽哀皇后蕭氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

第二

宗室

遼史七十二

義宗

倍

子平王隆先

晉王道隱

章肅皇帝

李胡

子宋王喜隱

順宗

濬

晉王救盧幹

第三

遼史七十三

耶律曷魯

蕭敵魯

阿古只

耶律斜捏赤

老古

頗德

耶律欲穩

耶律海里

第四

遼史七十四

耶律敵刺

蕭痕篤

康默記 延壽

韓延徽 德福 紹勳 紹芳 貧讓

韓知古 匡嗣 德原 德凝

第五

遼史七十五

耶律覲烈 羽之

耶律鐸臻 古突呂不

王郁

耶律圖魯魯

第六

遼史七十六

耶律解里

耶律拔里得

耶律朔古

耶律魯不古

趙延壽

高模翰

趙思溫

耶律溫里思

張礪

第七

遼史七十七

耶律屋質

耶律吼 何魯不

耶律安搏

耶律注

耶律頽昱

耶律撻烈

第八

遼史七十八

耶律夷膈葛

蕭海瓌

蕭護思

蕭思温

蕭繼先

第九

遼史七十九

室昉

耶律賢適

女里

郭襲

耶律阿没里

第十

遼史八十

張儉

邢抱朴

馬德臣

蕭朴

耶律八哥

第十一

遼史八十一

耶律室魯

歐里斯

王繼忠

蕭孝忠

陳昭衮

蕭合卓

第十二

遼史八十二

耶律隆運

德威

滌魯

制心

耶律勃古哲

蕭陽阿

武白

蕭常哥

耶律虎古

磨魯古

第十三

遼史八十三

耶律休哥 馬哥

耶律斜軫

耶律奚低

耶律學古 烏不只

第十四

遼史八十四

耶律沙

耶律抹只

蕭幹 討古

耶律善補

耶律海里

第十五

遼史八十五

蕭撻凜

蕭觀音奴

耶律題孛

耶律諧理

耶律奴瓜

蕭柳

高勳

奚和朔奴

蕭塔烈葛

耶律撒合

第十六

遼史八十六

耶律合住

劉景

劉六符

耶律裏履

午溫舒

杜防

蕭和尚 特末

耶律合里只

耶律頗的

第十七

遼史八十七

蕭孝穆 撒八 孝友 孝先

蕭蒲奴

耶律蒲古

夏行美

第十八

遼史八十八

蕭敵烈

拔刺

耶律盆奴

蕭排押

恒德匹敵

耶律資患

耶律瑤質

耶律弘古

高王

耶律的瑛

大康又

第十九

遼史八十九

耶律庶成

庶箴蒲魯

楊哲

耶律韓留

楊佶

耶律和尚

第二十

遼史九十

蕭阿剌

耶律義先

言先

蕭陶隗

蕭塔刺葛

耶律敵祿

第二十一

遼史九十一

耶律韓八

耶律唐古

蕭木哲

藥師

耶律玦

耶律僕里篤

第二十二

遼史九十二

蕭奪刺

蕭普達

耶律侯哂

耶律古昱

耶律獨攬

蕭韓家

蕭烏野

第二十三

遼史九十三

蕭惠 慈氏奴

蕭迂魯 鐸魯幹

蕭圖玉

耶律鐸軫

第二十四

遼史九十四

耶律化哥

耶律幹臈

耶律速撒

蕭阿魯帶

耶律那也

耶律阿魯掃古

耶律世良

第二十五

遼史九十五

耶律弘古

耶律馬六

蒲滴冽

耶律適祿

耶律陳家奴

耶律特麼

耶律仙童

蕭妻麗

耶律大悲奴

第二十六

遼史九十六

耶律仁先 撻不出

耶律良

蕭韓家奴

蕭德

蕭惟信

蕭樂音奴

耶律敵烈

姚景行

耶律阿思

第二十七

遼史九十七

耶律幹特刺

孩里

寶景庸

耶律引吉

楊績

趙徽

王觀

耶律喜孫

第二十八

遼史九十八

蕭元納

耶律儼

劉仲

耶律胡呂

第二十九

遼史九十九

蕭巖壽

耶律撒刺

蕭速撒

耶律撻不也

蕭撻不也

蕭忽古

耶律石柳

第三十

遼史一百

耶律棠古

蕭得里底

蕭酬幹

耶律章奴

耶律朮者

第三十一

遼史一百一

蕭陶蘇幹

耶律阿息保

蕭乙薛

蕭胡篤

第三十二

遼史一百二

蕭奉先

李處溫

張琳

耶律余覩

第三十三

遼史一百三

文學

蕭韓家奴

第三十四

遼史一百四

文學

王鼎

耶律昭

劉輝

耶律孟簡

耶律谷欲

第三十五

遼史一百五

能吏

太公鼎

蕭文

馬人望

耶律鐸魯幹

楊遵勛

王棠

第三十六

卓行

遼史一百六

蕭扎刺

耶律官奴

蕭蒲萬不

第三十七

遼史一百七

烈女

邢簡妻

耶律氏常哥

耶律奴妻

耶律木者妻

耶律中妻

第三十八

遼史一百八

方技

直魯古

主白

魏璘

耶律敵魯

耶律乙不哥

第三十九

遼史一百九

伶官

羅衣輕

宦官

王繼恩

趙安仁

第四十

遼史一百一十

姦臣

耶律乙辛

耶律燕哥

蕭十三

張孝傑

第四十一

遼史一百一十一

姦臣

蕭余里也

耶律台魯

蕭得裏特

蕭訛都幹

蕭達魯古

耶律塔不也

蕭圖古辭

第四十二

遼史一百一十二

逆臣

轄底 迭里時

察割

重元 涅魯古

滑哥

第四十三

遼史一百一十三

逆臣

蕭翰

耶律牒臘

耶律朗

耶律劉哥 益郎化葛里
奚寔

耶律海思

耶律敵獵

蕭革

第四十四

遼史一百一十四

逆臣

蕭胡覩

蕭送里得

古迭

耶律撒刺竹

奚回離保

蕭特烈

第四十五

遼史一百一十五

外紀

高麗

西夏

第四十六

遼史一百一十六

國語解

紀三十卷

志三十一卷

表八卷

列傳四十六卷

總一百一十六卷

校勘臣彭衡

岳信

楊鑄

牟思善

卜勝

揭模

遼史目錄終

本紀第一

遼史一

開府儀同三司上柱國錄事省中書右丞相樞密院副使

勅修

太祖上

太祖大聖大明神烈天皇帝姓耶律氏諱億字阿保城小字啜里只契丹迭刺部霞濼益石烈鄉耶律彌里人德祖皇帝長子母曰宣簡皇后蕭氏唐咸通十三年生初母夢日隨懷中有娠及生室有神光異香體如三歲兒即能言匐祖母簡獻皇后異之鞠為己子常匿於別幕陰其面不令他人見三月能行晬而能言知未然事自謂左右石

神人翼衛雖齟齬言必及立務時伯父當國疑輒咨焉既長身長九尺豐上銳下目光射人鬬弓三百斤為撻馬絨沙里時小黃室韋不附太祖以計降之伐越兀及烏古六奚比沙狻諸部克之國人號阿主沙里唐天復元年歲辛酉痕德董可汗立以太祖為本部夷離董專征討連破室韋于厥及奚帥轄刺哥俘獲甚衆冬十月授大迭烈府夷離董明年秋七月以兵四十萬伐河東伐北攻下九部獲生口九萬五千駝馬牛羊不可勝紀九月城龍化州于清河之南始建開教寺明年春伐女直下之獲其戶三百九月後攻下河東懷遠等軍十月引軍冬略至薊北俘獲以

遂先是德祖俘奚七千戶徙饒樂之清河至是創為奚迭剌部分十二縣遂拜太祖于越總知軍國事明年歲甲子三月廣龍化州之東城九月討黑車子室韋唐盧龍軍節度使劉晏發兵數萬遣養子趙霸來拒霸至武州太祖謀知之伏勁兵桃山下遣室韋人牟里詐稱其酋長所遣約霸兵會平原既至四面伏發擒霸殲其衆乘勝大破室韋明年七月復討黑車子室韋唐河東節度使李克用遣通事康令德乞盟冬十月太祖以騎兵七萬會克用于雲州宴酣克用借兵以報劉仁恭木瓜澗之役太祖許之易袍馬約為兄弟及進兵擊仁恭拔數州盡徙其民以歸明

年二月復擊劉仁恭還襲山北奚破之汴州朱全忠遣人
浮海奉書幣衣帶玳瑁來聘十一月遣偏師討奚霫諸部
及東北女直之未附者悉破降之十二月痕德堇可汗殂
群臣奉遺命請立太祖曷魯等勸進太祖三讓從之
元年春正月庚寅命有司設壇于如汗王集會塢燔柴告
天即皇帝位尊母蕭氏爲皇太后立皇后蕭氏北宰相蕭
轄刺南宰相耶律歐里思率群臣上尊號曰天皇帝后曰
地皇后庚子詔皇族承遙輦氏九帳爲第十帳二月戊午
以從弟迭栗底爲迭列府夷離董是月征黑車子室韋降
其八部夏四月丁未朔唐梁王朱全忠發其主尋弒之

帝國號梁遣使來告劉仁恭子守光囚其父自稱
州盧龍軍節度使秋七月乙酉其兄平州刺史守奇率其
衆數千人來降命置之平盧城冬十月乙巳討黑車子室
韋破之

二年春正月癸酉朔御正殿受百官及諸國使朝辛巳始
置惕隱典族屬以皇弟撒刺爲之河東李克用子存勗
襲遣使弔慰夏五月癸酉詔撒刺討烏丸黑車子室韋秋
八月壬子幽州進合歡瓜冬十月己亥朔建明王樓築長
城於鎮東海口遣輕兵取吐渾叛入室韋者

三年春正月幸遼東二月丁酉朔梁遣郎公遠來聘三月

滄州節度使劉守文爲弟守光所攻遣人來乞兵討之命
皇弟舍利素夷离董蕭敬魯以兵會守文於北淖口進至
橫海軍近淀一鼓破之守光潰去因名北淖口爲會盟口
夏四月乙卯詔左僕射韓知古建碑龍化州大廣寺以紀
功德五月甲申置羊城于炭山之北以通市易冬十月紀
已遣鷹軍討黑車子室韋破之西北媿娘改部族進輓車
人
四年秋七月戊子朔以后兄蕭敵魯爲北府宰相后族爲
相自此始冬十月烏馬山奚庫支及查刺底鋤勃德等
叛討平之

五年春正月丙戌朔日有食之丙申上親征西部奚阻
險叛服不常數招諭弗聽是役所向輒下遂分兵討東部
奚亦平之於是盡有奚雪之地東際海南暨白檀西踰松
漠北抵潢水凡五部咸入版籍三月次灤河刻石紀功復
略地薊州夏四月壬申遣人使梁五月皇弟刺葛迭刺寅
底石安端謀反安端妻粘睦姑知之以告得實上不忍加
誅乃與諸弟登山刑牲告天地爲誓易赦其罪出刺葛爲
迭刺部夷离董封粘睦姑爲晉國夫人秋七月壬午朔斜
離底洎諸蕃使來貢八月甲子劉守光僭號幽州稱燕冬
十月戊午置鐵冶十一月壬午遣人使梁

六年春正月以化葛爲惕隱二月戊午親征劉守光三月
至自幽州夏四月梁郢王友珪弒父自立秋七月丙午親
征木不姑降之俘獲以數萬計命弟刺葛分兵攻平州八
月壬辰上次恩德山皇子李胡生冬十月戊寅刺葛破平
州還復與失刺寅底石安端等反甲申遣人使梁致祭壬
辰還次北阿魯山聞諸弟以兵阻道引軍南趨十七灤是
日燔柴翼日次七渡河諸弟各遣人謝罪止猶矜憐許以
自新是歲以兵討兩治以所獲僧崇文等五十人歸西樓
建天雄寺以居之以示天助雄武

七年春正月甲辰朔以用兵免朝晉王季存勗拔幽州擒

劉守光甲寅王師次赤水城弟刺葛等乞降上素服乘輅
白馬以將軍耶律樂姑轄刺僅阿鉢爲御解兵器肅侍衛
以受之因加慰諭刺葛等引退上復數遣使撫慰二月甲
戌朔梁均王友貞討殺其兄友珪嗣立二月癸丑次薈衆
弟迭刺哥圖爲奚王與安端擁千餘騎而至給稱入覲上
怒曰爾曹始謀逆亂朕特恕之使改過自新尚爾反覆將
不利於朕遂拘之以所部分隸諸軍而刺葛引其衆至乙
室董淀具天子旗鼓將自立皇太后陰遣人諭令避去會
頭姑乃懷卑陽言車駕且至其衆驚潰掠居民比走上以
兵追之刺葛遣其黨寅底石引兵徑趨行宮焚其輜其廬

帳縱兵大殺皇后急遣蜀古魯救之僅得天子旗鼓而已其黨神速姑復劫西樓焚明王樓上至土河秣馬休兵若不爲意諸將請急追之上曰俟其遠遁人各懷土懷土既切其心必離我軍乘之破之必矣盡以先所獲資畜分賜將士留夷離畢直里姑總政務夏四月戊寅北追刺葛已卯次彌里問諸弟面木葉山射鬼箭厭禳乃執叛人解里向彼亦以其法厭之至達里淀選輕騎追及培只河盡獲其黨韜重生口先遣室韋及吐渾酋長拔刺迪里姑等五人分兵伏其前路命北宰相迪里古爲先鋒進擊之刺葛率兵逆戰迪里古以輕兵薄之其弟渴古只臨陣射斃斃衆莫敢前相拒至晡衆乃潰追至柴河遂自焚其車乘廬帳而去前遇拔刺迪里姑等伏發合擊遂大敗之刺葛奔潰遺其所奪神帳於路上見而拜奠之所獲生口盡縱歸本土其黨庫古只磨朵皆面縛請罪師次札堵河大雨暴漲五月癸丑遣北宰相迪鞏率驍騎先渡甲寅奏擒刺葛涅里衮阿鉢於榆河前北宰相蕭實魯寅底石自剄不殊遂以黑白羊祭天地壬戌刺葛涅里衮阿鉢詣行在以橐索自縛牽羊望拜上還至大嶺時大軍以出輜重亦相屬士卒煮馬駒採野菜以爲食孳畜道斃者七八物賈十倍器服資貨委棄於楚里河狼藉數百里因更刺葛

名暴里丙寅至庫里以青牛白馬祭天地以生口六百馬
二千三百分賜大小鶻軍六月辛巳至榆嶺以轄賴縣人
掃古非法殘民磔之甲申上登都庵山撫其先竒首可汗
遺跡徘徊顧瞻而興歎焉聞獄官涅离擅造大校人不堪
其苦有至死者命誅之壬辰次狼河獲逆黨雅里彌里生
羶之銅河南軌下放所俘還多為于骨里所掠上怒引輕
騎馳擊復遣驍將分道追襲盡獲其衆并掠者庚子次
阿敦灤以養子涅里思附諸弟叛以鬼箭射殺之其餘黨六
千各以輕重論刑于厥掠生口者三十餘人亦俾贖其罪
放歸本部至石嶺西詔收回軍之食所棄兵仗召北府兵

驗而還之以夷离董涅里衮附諸弟為叛不忍顯戮命自
投崖而死秋八月己卯幸龍眉宮輟逆黨二十九人以其
妻女賜有功將校所掠珍寶孳畜還主亡其本物者命責
償其家不能償者賜以其部曲九月壬戌上發自西樓冬
十月庚午駐赤崖戊寅和州回鶻來貢癸未乙室府人迪
里古迷骨离部人特里以從逆誅詔群臣分決滯訟以韓
知古錄其事只里姑掌捕亡十一月桐木葉山還次昭烏
山省風俗見高年議朝政定吉凶儀十二月戊子燔紫于
蓮花灤

八年春正月甲辰以曷魯魯為迭刺部夷离董忽烈為惕隱

于骨里部人特肉敏執逆黨怖胡亞里只等十七人來獻
上親鞫之辭多連宗室及有脅從者乃杖殺首惡怖胡餘
並原釋于越率懶之子化哥屢娶更女謀上每優容之而反
覆不悛召父老群臣正其罪并其子戮之分其財以給衛
士有司所鞫逆黨三百餘人獄既具上以人命至重死不
復坐賜宴一日隨其平生之好使爲之酒酣或歌或舞或
戲射角觝各極其意明日乃以輕重論刑首惡刺葛其次
迭刺哥上猶弟之不忍寘法杖而釋之以寅底石安端性
本庸弱爲刺葛所使皆釋其罪前于越赫底里子解里刺
葛妻轄刺已實預逆謀命皆絞殺之寅底石妻涅南脅從
安端妻粘睦姑嘗有忠告並免因謂左右曰諸弟性雖敏
黠而蓄姦稔惡嘗自矜有出人之智安忍兇狠給擊哥塞
而貪黷無厭求人之失雖小而可恕謂重如泰山身行不
義雖入大惡謂輕於鴻毛昵比羣小謀及婦人同惡相濟
以危國柝雖欲不敗其可得乎北宰相實魯妻餘盧親姑
於國至親一旦負朕從于叛逆未寘之法而病死此天誅
也解里自幼與朕常同寢食眷遇之厚冠於宗屬亦與其
父背大恩而從不軌茲可恕乎秋七月丙申朔有司上諸
帳族與謀逆者三百餘人罪狀皆棄市上嘆曰彼人于死
豈朕所欲若止負朕躬尚可容貸此曹恣行不道殘害忠

遼紀一
良塗災生民剽掠財產民間昔有萬馬今皆徒步有國以
來所未嘗有實不得已而誅之冬十月甲子荆建開皇殿
於明王樓基

九年春正月烏古部叛討平之夏六月幽州軍校齊行本
舉其族及其部曲男女三千人請降詔授檢校尚書左僕
射賜名兀欲給其廩食數日亡去幽帥周德威納之及詔
索之德威語不遜乃議南征冬十月戊申釣魚于鵝淶江
新羅遣使貢方物高麗遣使進寶劍吳越王錢鏐遣滕彥
休來貢夏歲君其天一神數見詔圖其像神冊元年春二
月丙戌朔上在龍化州迭烈部夷离董耶律曷魯等率百

僚請上尊號三表乃允丙申群臣及諸屬國築壇州東上
尊號曰大聖大明天皇帝后曰應天大明地皇后大赦建
元神冊初闕地爲壇得金鈴因名其地曰金鈴岡壇側滿
林曰冊聖林三月丙辰以迭烈部夷离董曷魯爲阿盧朶
里于越百僚進秩頒賚有差賜酺三日立子倍爲皇太子
夏四月乙酉朔晉幽州節度使盧國用來降以爲幽州兵
馬留後甲辰梁遣郎公遠來賀六月庚寅吳越王遣滕彥
休來貢秋七月壬申親征突厥吐渾党項小蕃沙陀諸部
皆平之俘其酋長及其戶萬五千六百鎧甲兵仗器服九
十餘萬寶貨駝馬牛羊不可勝算八月拔朔州擒節度使

嗣本勒石紀功於青塚南冬十月癸未朔乘勝而東十一月攻蔚新武媯儒五州斬首萬四千七百餘級自代北至河曲踰陰山盡有其地遂改武州爲歸化州媯州爲可汗州置西南面招討司選有功者領之其圍蔚州敵樓無故自壞衆軍大譟乘之不踰時而破時梁及吳越二使皆在焉詔引環城觀之因賜滕彥休名曰述呂十二月收山北八軍

二年春二月晉新州裨將盧文進殺節度使李存矩來降進攻其城刺史安金全遁以文進部將劉殷爲刺史三月辛亥攻幽州節度使周德威以幽并鎮定魏五州之兵拒于居庸關之西合戰於新州東大破之斬首三萬餘級殺李嗣本之子武八以后弟阿骨只爲統軍實魯爲先鋒東出關略燕趙不遇敵而還己未于骨里叛命室魯以兵討之夏四月壬午圍幽州不克六月乙巳望城中有氣如煙火狀上曰未可攻也以大暑霖潦班師留曷魯盧國用守之刺曷魯與其子賽保里叛入幽州秋八月李存勗遣李嗣源等救幽州曷魯等以兵少而還

三年春正月丙申以皇弟安端爲大內惕隱命攻雲州及西南諸部二月達旦國來聘癸亥城阜都以禮部尚書康默記充版築使梁遣使來聘晉吳越渤海高麗回鶻阻卜

党項及幽鎮定魏潞等州各遣使來貢夏四月乙巳皇弟
迭烈哥謀叛事覺知有罪當誅預為營壙而諸戚請免上
素惡其弟寅底心妻涅里衮乃曰涅里衮能代其死則從
涅里衮自縊壙中并以奴女古叛人曷魯只生瘞其中遂
赦迭烈哥五月乙亥詔建孔子廟佛寺道觀秋七月乙酉
于越曷魯薨上感悼久之輟朝三日贈賻有加冬十二月
庚子朔幸遼陽故城辛丑北府宰相蕭敵魯薨戊午以于
越曷魯弟汗里斡為迭烈部夷裔董蕭阿古只為北府宰
相甲子皇孫隈欲薨

本紀第一

本紀第二

遼史二

開府儀同三司上柱國錄軍國重事書表相監修國史領經筵事都總裁

勅修

太祖下

四年春正月丙申射烏東山二月丙寅修遼陽故城以漢
民渤海戶實之改為東平郡置防禦使夏五月庚辰至自
東平郡秋八月丁酉謁孔子廟命皇后皇太子分謁寺觀
九月征烏古部道聞皇太后不豫一日馳六百里還侍太
后病間復還軍中冬十月丙午次烏古部天大風雪兵不
能進上禱于天俄頃而霽命皇太子將先鋒軍進擊破之

俘獲生口萬四千二百牛馬車乘廬帳器物二十餘萬自是舉部來附

五年春正月乙丑始製契丹大字夏五月丙寅吳越王復遣滕彥休貢犀角珊瑚授官以遣庚辰有龍見于拽刺山陽水上上射獲之藏其骨內府閏六月丁卯以皇弟蘇爲惕隱康默記爲夷離畢秋八月己未朔党項諸部叛辛未上親征九月己丑朔梁遣郎公遠來聘壬寅大字成詔頒行之皇太子率迭刺部夷離董汗里軫等略地雲內天德冬十月辛未攻天德癸酉節度使宋瑤降賜弓矢鞍馬旗鼓更其軍曰應天甲戌班師宋瑤復叛丙子拔其城擒宋

瑤俘其家屬徙其民於陰山南十二月己未師還

六年春正月丙午以皇弟蘇爲南府宰相迭里爲惕隱南府宰相自諸弟構亂府之各族多罹其禍故其位久虛以鋤得部轄得里只里古攝之府中數請擇任宗室上以舊制不可輒變請不已乃告于宗廟而後授之宗室爲南府宰相自此始夏五月丙戌朔詔定法律正班爵丙申詔畫前代直臣像爲招諫圖及詔長吏四孟月詢民利病六月乙卯朔日有食之冬十月癸丑朔晉新州防禦使王郁以所部山北兵馬內附丙子上率大軍入居庸關十一月癸卯下古北口丁未分兵略檀順安遠三河良鄉望都潞滿

城遂城等十餘城俘其民徙內地十二月癸丑王郁率其衆來朝上呼郁爲子賞賚甚厚而徙其衆于潢水之南庚申皇太子率王郁略地定州康默記攻長蘆晉義武軍節度使王處直養子都囚其父自稱留後癸亥圍涿州有白兔緣壘而上是日破其郭癸酉刺史李嗣弼以城降乙亥存勗至定州王都迎謁馬前存勗引兵趨望都遇我軍禿餒五千騎圍之存勗力戰數四不解李嗣昭領三百騎來救我軍少却存勗乃得出大戰我軍不利引歸存勗至幽州遣二百騎躡我軍後我軍反擊悉擒之己卯還次檀州幽人來襲擊走之擒其裨將詔徙檀順民于東平濱州

天贊元年春二月庚申復徇幽薊地癸酉詔改元赦軍前殊死以下夏四月甲寅攻薊州戊午拔之擒刺史胡瓊以盧國用涅魯古典軍民事壬戌大饗軍士癸亥李存勗圍鎮州張文禮求援命卽君迭烈將軍康末怛往擊敗之殺其將李嗣昭辛未攻石城縣拔之五月丁未張文禮卒其子處瑾遣人奉表來謝六月遣鷹軍擊西南諸部以所獲賜貧民冬十月甲子以蕭霞的爲北府宰相分迭刺部爲二院斜涅赤爲北院夷离董縮思爲南院夷离董詔分北太濃兀爲二部立兩節度使以統之十一月壬寅命皇子堯骨爲天下兵馬大元帥略地薊北

二年春正月丙申大元帥堯骨克平州獲刺史趙思溫裨將張崇二月如平州甲子以平州爲盧龍軍置節度使三月戊寅軍于箭筈山討叛奚胡擄獲之射以鬼箭誅其黨三百人沉之狗河置奚墮瑰部以勅魚員權總其事夏四月己酉梁遣使來聘吳越王遣使來貢癸丑命堯骨攻幽州迭刺部夷离董觀烈狗山西地庚申堯骨軍幽州東節度使符存審遣人出戰敗之擒其將裴信父子閏月庚辰堯骨抵鎮州壬午拔曲陽丙戌下北平是月晉王李存勖即皇帝位國號唐五月戊午堯骨師還癸亥大饗軍士賞賚有差六月辛丑波斯國來貢秋七月前北府宰相蕭阿古只及王郁狗地燕趙冬十月辛未朔日有食之己卯唐兵滅梁

三年春正月遣兵略地燕南夏五月丙午以楊隱迭里爲南院夷离董是月徙薊州民實遼州地渤海殺其刺史張秀實而掠其民六月乙酉召皇后皇太子大元帥及二宰相諸部頭等詔曰上天降監惠及烝民聖主明王萬載一遇朕既上承天命下統群生每有征行皆奉天意是以機謀在已取舍如神國令既行人情大附外訛歸正遐邇無愆可謂大含溟海安納泰山矣自我國之經營爲群方之父母憲章斯在胤嗣何憂升降有期去來在我良籌聖會

自有契於天人衆國群王豈可化其凡骨三年之後歲在丙戌時值初秋必有歸虜然未終兩事豈負親誠日月非遙或嚴是速聞詔者皆驚懼莫敢違意是日大舉征吐渾党項阻卜等部詔皇太子監國大元帥堯骨從行秋七月辛亥曷刺等擊素昆那山東部破之八月乙酉至烏孤山以鵝祭天甲午次古單國登阿里典壓得斯山以鹿祭九月丙申朔次古回鶻城勒石紀功庚子拜日于蹕林丙午遣騎攻阻卜西府宰相蘇南院夷酋董迭里略地西南乙卯蘇等獻俘丁巳鑿金河水取烏山石輦致潢河木葉山以示山川朝海宗嶽之意癸亥天食國來貢甲子

詔確關遏可汗故碑以契丹突厥漢字紀其功是月破

毋思山諸蕃部次業得思山以赤牛青馬祭天地回鶻霸里遣使來貢冬十月丙寅朔獵富樂山獲野獸數千以充軍食丁卯軍于霸離思山遣兵踰流沙授浮圖城盡取西鄙諸部十一月乙未朔獲甘州回鶻都督畢離遏因遣使諭其主烏母主可汗射虎于烏刺邪里山抵霸室山六百餘里且行且獵日有鮮食軍士皆給

四年春正月壬寅以捷報皇后皇太子二月丙寅大元帥堯骨略党項丁卯皇后遣康未怛問起居進御服酒膳乙亥蕭阿古只略燕趙還進牙旗兵仗辛卯堯骨獻党項俘

三月丙申饗軍于水精山夏四月甲子南攻小蕃下之皇
后皇太子迎謁於札里河祭酉回鶻烏母主可汗遣使貢
謝五月甲寅清暑室韋北陞秋九月癸巳至自西征冬十
月丁卯唐以滅梁來告即遣使報聘庚辰日本國來貢辛
巳高麗國來貢十一月丁酉幸安國寺飯僧赦京師囚縱
五坊鷹鷂已酉新羅國來貢十二月乙亥詔曰所謂兩事
一事已畢惟渤海世讎未雪豈宜安駐凡舉兵親征渤海
大譚讓皇后皇太子大元帥堯骨皆從閏月壬辰祠木華
山壬寅以青牛白馬祭天地于烏山已酉次撒葛山射鬼
箭丁巳次商嶺夜圍扶餘府

天顯元年春正月己未白氣貫日庚申拔扶餘城誅其守
將丙寅命惕隱安端前北府宰相蕭阿古只等將萬騎爲
先鋒遇譚讓老相兵破之皇太子大元帥堯骨南府宰相
蕭北院夷离董斜涅赤南院夷离董迭里是夜圍忽汗城
己巳譚讓請降庚午駐軍于忽汗城南辛未譚讓素服稟
索索率率僚屬三百餘人出降上優禮而釋之甲戌詔諭
渤海郡縣丙子遣近侍康末怛等十三人入城索兵器爲
邏卒所害丁丑譚讓復叛攻其城破之駕幸城中譚讓請
罪馬前詔以兵衛譚讓及族屬以出祭告天地復還軍中
二月庚寅安邊鄭頡南海定理等府洎諸道節度刺史來

朝慰勞遣之以所獲器幣諸物賜將士壬辰以青牛白馬祭天地大赦改元天顯以平渤海遣使報唐甲午復幸忽汗城閱府庫物賜從臣有差以奚部長勃魯息王郁自回鶻新羅吐蕃党項室韋沙陀烏古等從征有功優加賞賚丙午改渤海國爲東丹忽汗城爲天福用皇太子倍爲人皇王以主之以皇弟迭刺爲左大相渤海老相爲右大相渤海司徒大素賢爲左次相耶律羽之爲右次相赦其國內殊死以下丁未高麗滅貊鐵驪靺鞨來貢三月戊午遣使與高麗康默記左僕射韓延徽攻長嶺府甲子祭天丁卯幸人皇王宮己巳安邊鄭頡定理三府叛遣安端討之丁

丑三府平壬午安端獻俘誅安邊府叛帥一丁癸未宴東丹國寮佐頒賜有差甲申幸天福城乙酉班師以大諲譟舉族行夏四月丁亥朔次繳子山辛卯人皇王率東丹國僚屬辭是月唐養子李嗣源反鄭存謙弒其主孛勗嗣源遂即位五月辛酉南海定理二府復叛大元帥堯骨討之六月丁酉二府平丙午次慎州唐遣姚坤以國哀來告秋七月丙辰鐵州刺史衛鈞反乙丑堯骨攻拔鐵州庚午東丹國左大相送刺卒辛未衛送大諲譟于皇都西築城以居之賜諲譟名曰烏魯古妻曰阿里只盧龍行軍司馬張崇叛奔唐甲戌次扶餘府上不豫是夕大皇隕于帷前辛

已平旦于城上見黃龍繚繞可長一里光耀奪目入于行
宮有紫黑氣蔽天踰日乃散是日上崩年五十五天贊三
年上所謂丙戌秋初必有歸處至是乃驗壬午皇后稱制
權決軍國事八月辛卯康默記等攻下長嶺府甲午皇后
奉梓宮西還壬寅堯骨討平諸州奔赴行在乙巳人皇王
倍繼至九月壬戌南府宰相蘇薨丁卯梓宮至皇都權殯
于子城西北己巳上謚昇天皇帝廟號太祖冬十月盧龍
軍節度使盧國用叛奔于唐十一月丙寅殺南院夷离董
耶律迭里郎君耶律匹魯等二年八月丁酉葬太祖皇帝
于祖陵置祖州天城軍節度使以奉陵寢統和二十六年

七月進謚大聖大明天皇帝重熙二十一年九月加謚大
聖大明神烈天皇帝太祖所崩行宮在扶餘城西南兩河
之間後建昇天殿于此而以扶餘為黃龍府云

贊曰遼之先出自炎帝世為審吉國其可知者蓋自竒首
云竒首生都菴山徒潢河之濱傳至雅里始立制度置官
屬刻木為契穴地為半讓阻午而不肯自立雅里生毗牒
毗牒生頰頰頰頰生釋里思大度寡欲令不嚴而人化是
為肅祖肅祖生薩刺德嘗與黃室韋挑戰矢貫數札是為
懿祖懿祖生勻德實始教民稼穡善畜牧國以殷富是為
玄祖玄祖生撒刺的仁民愛物始置鐵冶教民鼓鑄是為

德祖即太祖之父也世為契丹遙輦氏之夷高董執其政
抵德祖之弟述瀾北征于死室韋南略易定奚霫始興板
築置城邑教民種桑麻習織組已有廣土眾民之志而太
祖受可汗之禪遂建國東征西討如折枯拉朽東自海西
至于流沙北絕大漠信威萬里歷年二百豈一日之故哉
周公誅管蔡人未有能非之者刺葛安端之亂太祖既貸
其死而復用之非人君之度乎舊史扶餘之變亦異矣夫

本紀第一

本紀第三

開府儀同三司上柱國錄軍國重事中書右丞相監修國史領經筵事都總裁臣脫脫奉

勅修

太宗上

太宗孝武惠文皇帝諱德光字德謹小字堯骨太祖第二
子母淳欽皇后蕭氏唐天復二年生神光異常獵者獲白
鹿白鷹人以為瑞及長貌嚴重而性寬仁軍國之務多所
取決天贊元年授天下兵馬大元帥尋詔統六軍南徇地
明年下平州獲趙思溫張崇回破箭筈山胡遜奚諸部悉
降復以兵掠鎮定所至皆堅壁不敢戰師次幽州符存審

拒于州南縱兵邀擊大破之擒裨將裴信等數十人及從
太祖破于厥里諸部定河壩堯項下山西諸鎮取回鶻單
于城東平渤海破達盧古部東西萬里所向皆有功天顯
元年七月太祖崩皇后攝軍國事明年秋治祖陵畢冬十
一月壬戌人皇王倍率群臣請于后曰白皇子大元帥勲望
中外攸屬宜承大統后從之是日即白皇帝位癸亥謁太祖
廟丙寅行柴冊禮戊辰還都壬申御宣政殿群臣上尊號
曰嗣聖皇帝大赦有司請改元不許十二月庚辰尊皇太
后爲太皇太后皇后爲應天皇太后立妃蕭氏爲皇后禮
畢闕近侍班局辛巳諸道將帥辭歸鎮巳丑祀天地庚寅
遣使諭諸國辛卯闕群牧于近郊戊戌女直遣使來貢壬
寅謁太祖廟甲辰闕旗鼓客省諸局官屬丁未詔選遙輦
氏九帳子弟可任官者

三年春正月巳酉闕北剋兵籍庚戌闕南剋兵籍丁巳闕
皮室拽刺黑離三軍巳未黃龍府羅涅河女直達盧古來
貢庚午以王郁爲興國軍節度使守中書令二月幸長漈
巳亥惕隱涅里衮進白狼辛丑達盧古來貢三月乙卯東
蒐癸亥獵殺羶山乙丑獵松山唐義武軍節度使王都遣
人以定州來歸唐主出師討之使來乞授命奚禿里鐵刺
往救之四月戊寅東巡巳卯祭鹿神丁亥於獵所縱公

私取羽毛草木之材甲午取箭材赤山丙申獵三山鐵刺
敗唐將王晏球于定州唐兵大集鐵刺請益師辛丑命惕
隱涅里衮都統查刺赴之五月丙午建天膳堂獵索刺山
戊申至自獵丁卯命林牙突呂不討烏古部己巳女直來
貢六月己卯行瑟瑟禮秋七月丁未突呂不獻討烏古捷
壬子王都奏唐兵破定州鐵刺死之涅里衮查刺等數十
人被執上以出師非時甚悔之厚賜戰歿將校之家庚午
有事于太祖廟八月丙子突厥來貢庚辰詔建應天皇帝
后誕聖碑于儀坤州九月己卯突呂不遣人獻討烏古俘
突未詔分賜群臣己丑幸人皇王倍第庚寅遣人使唐辛

卯再幸人皇王第癸巳有司請以上生日為夫授節皇太
后生日為永寧節冬十月癸卯朔以永寧節上率群臣上
壽於延和宮己酉謁太祖廟唐遣使遺玉笛甲子天授節
上御五鸞殿受群臣及諸國使賀十一月丙子鼻骨德來
貢辛丑自將伐唐十二月癸卯祭天地庚戌聞唐主復遣
使來聘二問左右皆白唐數遣使來實畏威也未可輕舉
觀豐易而動可也上然之甲寅次杏塢唐使至遂班師時人
皇王在皇都詔遣耶律羽之遷東丹民以實東平其民或
亡入新羅女直因詔困乏不能遷者許上國富民給贍而
隸屬之升東平郡為南京

四年春正月壬申朔宴群臣及諸國使觀俳優角觝戲已
卯如瓜塢二月庚戌閱遙輦氏戶籍三月甲午望祀群神
夏四月辛亥至自瓜塢壬子謁太祖廟癸丑謁太祖行宮
甲寅幸天城軍謁祖陵辛酉人皇王倍來朝癸亥錄囚五
月癸酉謁二儀殿宴群臣女直來貢戊子射柳子太祖行
宮癸巳行瑟瑟禮六月丙午突呂不獻烏古俘戊申分賜
將士巳酉西巡巳未選輕騎數千獵近山癸亥駐蹕涼陁
秋七月庚辰觀市曲赦繫囚甲午祠太祖而東八月辛丑
至自涼陁謁太祖廟癸卯幸人皇王第巳酉謁太祖廟九
月庚午如南來成黃祠木葉山巳卯行飛生禮癸巳至南

京冬十月壬寅幸人皇王第宴群臣甲辰幸諸營閱軍籍
庚戌以雲中郡縣未下大閱六軍甲子詔皇弟李胡帥師
趣雲中討郡縣之未附者十一月丙寅朔以出師告天地
丁卯饒皇弟李胡于西郊壬申命大內惕隱告出師于太
祖行宮甲申觀漁三义口十二月戊申女直來貢戊午至
自南京

五年春正月庚午皇弟李胡拔襄州捷至甲午朝皇太后
二月巳亥詔修南涼癸卯李胡還自雲中朝于行在丙午
以先所俘渤海戶賜李胡丙辰上與太皇王朝皇太后太
后以皆一書命書于前以觀之辛酉召群臣議軍國事三

月丙寅朝皇太后丁卯皇弟李胡請赦宗室舍利郎君以
罪繫獄者詔從之己巳幸皇叔安端第辛未人皇正獻白
紵乙亥冊皇弟李胡為壽昌皇太子兼天下兵馬大元帥
壬午以龍化州節度使劉居言同中書門下平章事乙酉
宴人皇王僚屬便殿庚寅駕發南京夏四月乙未詔人皇
王先赴祖陵謁太祖廟丙辰會祖陵人皇王歸國五月戊
辰詔修裏潭離宮乙酉謁太祖廟己亥射柳于行在乙卯
如泂柳湖丁巳拜太祖御容于明殿己未敵烈德來貢秋
七月壬申烏古來貢戊子薦時果于太祖廟八月丁酉以
大聖皇帝皇后宴寢之所號日月宮曰建日月宮碑丙午如

九層臺九月己卯詔舍利並日寧撫慰人皇王庚辰詔置人
皇王儀衛丁亥至自九層臺謁及祖廟冬十月戊戌遣使
賜人皇王昨突卯建太祖聖功碑于如迂正集會場甲辰
人皇王進玉笛十一月戊寅東丹奏人皇王浮海適唐
六年春正月甲子西南邊將以慕化轄戛斯國人來乙丑
敵烈德來貢丁卯如南京三月辛未召大臣議軍國事丁
亥人皇王倍妃蕭氏率其國僚屬來見夏四月己酉唐遣
使來聘是月置中臺省于南京五月乙丑河木葉山乙亥
至自南京壬午謁太祖陵閏月庚寅射柳于近郊六月壬
申如涼陞壬午烏古來貢秋七月丁亥女直來貢己酉命

將校以兵南略七。薦時果于太祖廟東辛八月庚申皇子述律生告太祖廟辛巳鼻骨德來貢九月甲午詔修京城冬十月丁丑鐵驪來貢十一月乙酉唐遣使來聘十二月甲寅朔祭太祖廟丙辰遣人以詔賜唐盧龍軍節度使趙德鈞

七年春正月壬辰征西將軍課里遣拽刺鐸括奏軍事巳亥唐遣使來聘癸卯遣人使唐戊申祠木葉山二月壬申拽刺迪德使吳越還吳越遣使從獻寶器復遣使持幣往報之三月巳丑林牙迪爾畢指斥乘輿囚之丁未遣使諸國戊申上率群臣朝于皇太后夏四月甲戌唐遣使來

聘致人皇王倍言巳卯女直來貢五月壬午朔幸祖州謁太祖陵六月戊辰御製太祖廟額戊寅烏古敵烈德來貢庚辰觀角觝戲秋七月辛巳朔賜中外官吏物有差癸未賜高年布帛丙戌召群臣耆老議政壬辰唐遣使遣紅牙笙癸巳使復至懼報定州之役也壬寅唐盧龍軍節度使趙德鈞遣人進時果丁未薦新于太祖廟八月壬戌捕鵝于泂柳湖風雨暴至舟覆溺死者六十餘人命存恤其家識以為戒戊辰林牙迪爾畢逸囚復獲而鞫之知其事本誣搆釋之九月庚子阻卜來貢冬十月乙卯唐遣使來聘巳巳遣使雲中十一月丁亥遣使存問獲里國丁未阻

通鑑三
卜貢海東青鶻三十連十二月辛亥以叛人泥离袞客
分賜群臣丁巳西狩駐蹕平地松林

八年春正月戊子女直來貢庚子命皇太弟李胡左威衛
上將軍撒剌率兵伐党項癸卯上親餞之二月辛亥吐谷
渾阻卜來貢乙卯克實魯使唐還以附獻物入賜群臣三
月辛卯皇太弟討党項勝還宴勞之丙申唐遣使請罷征
党項兵上以戰捷及党項已聽命報之夏四月戊午党項
來貢五月己丑獵獨牛山楊隱迪輦所乘內廐騮馬斃因
賜名其山曰騮山戊戌如汾柳湖六月甲寅阻卜來貢甲
子回鶻阿薩蘭來貢秋七月戊寅行納后禮癸未皇子提

高生丁亥鐵驪女直阻卜來貢冬十月乙巳阻卜來貢
丙午至自汾柳湖辛亥唐遣使來聘己未遣拔刺使唐辛
未烏古吐魯沒來貢十一月辛丑太皇太后崩遣使告哀
于唐及人皇王倍是月唐主嗣源殂子從厚立十二月丁
卯党項來貢

九年春正月癸酉漁于土河丙申党項貢馳鹿己亥南京
進白麀閏月戊午唐遣使告哀即日遣使弔祭壬戌東幸
女直來貢二月壬申祠木葉山戊寅葬太皇太后于德陵
前二日發喪于敢塗殿上具衰服以送後追謚宣簡皇后
詔建碑于陵三月癸卯女直來貢夏四月唐李從珂弒其

三自立人自王倍自唐上書請討五月甲辰如浚柳湖癸丑女直來貢大星晝墮六月己巳朔鼻骨德來貢辛未唐李從厚謝弔祭所遣使初至關秋八月壬午自將南伐乙酉拽刺解里手接飛鴈上異之因以祭天地九月庚子丑南星墮如兩乙卯次雲州丁巳拔河陰冬十月丁亥略地靈丘父老進牛酒犒師十一月辛丑圍武州之陽城壬寅陽城降癸卯注只城降括所俘丁壯籍于軍十二月壬辰皇子阿鉢撒葛里生皇后不豫是月駐蹕百湖之西南十年春正月戊申皇后崩于行在二月戊寅百僚請加追謚不許辛巳宰相涅里袞謀南奔事覺執之三月戊午党

項來貢夏四月吐谷渾酋長退欲德率衆內附丙戌皇太后父族及母前夫之族二帳並爲國舅以蕭緬思爲尚父領之己丑錄囚五月甲午朔始製服行后喪丙午葬于泰陵上自製文謚曰彰德皇后癸丑以舍利王庭鸚爲龍化州節度使六月乙丑吐渾來貢辛未幸品不里淀秋七月乙卯獵南赤山冬十一月丙午幸弘福寺爲皇后飯僧見觀音畫像乃大聖皇帝應天皇后及人皇王所施顧左右曰昔與父母兄弟聚觀于此歲時未幾今我獨來悲嘆不已乃自製文題于壁以極追感之意讀者悲之十二月庚辰如金瓶樂遣拽刺化哥窟魯里阿魯掃姑等捉生敵境

十一年春正月釣魚于土河庚申如潢河三月庚寅朔女
直來貢夏四月庚申謁祖陵戊辰還都謁太祖廟辛未燕
民之復業者陳汴州事宜癸酉女直諸部來貢祭未賜
鵲使衣有差五月戊戌清暑於柳湖六月戊午朔鼻骨德
來貢乙酉吐谷渾來貢秋七月辛卯烏古來貢壬辰蒲割
顛公主率三河烏古來朝丙申唐河東節度使石敬瑭為
其主所討遣趙瑩因西南路招討盧不姑求救上白太后
曰李從珂弑君自立神人共怒宜行天討時趙德鈞亦遣
使至河東復遣桑維翰來告急遂許興師八月己未遣蕭
轄里報河東師期丙寅吐谷渾來貢庚午自將以援敬瑭

九月癸巳有飛鷲自墜而死南府夷離董為魯恩得之以
獻卜之吉上曰此從珂自滅之兆也丁酉入鴈門戊戌次
忻州祀天地己亥次太原庚子遣使諭敬瑭曰朕興師遠
來當即與卿破賊會唐將高行周符彥卿以兵來拒遂動
兵陳于太原及戰佯為之却唐將張敬達楊光遠又陳于
西未成列以兵薄之而行周彥卿為伏兵所斷首尾不相
救敬達光遠大敗棄仗如山斬首數萬級敬達走保晉安
寨夷離董的魯與戰死之敬瑭率官屬來見上執手撫慰
之癸卯圍晉安甲辰以昉魯子徒離骨嗣為夷離董仍以
父字為名以旌其忠南宰相鶻離底奚監軍寅伉己將軍

陪阿臨陳退懦上召切責三冬十月甲子封敬瑭為晉王
幸其府敬瑭與妻李率其親屬捧觴上壽初圍晉安分遣
精兵守其要害以絕援兵之路而李從珂遣趙延壽以兵
二萬屯團栢谷范延廣以兵二萬屯遼州幽州趙德鈞以
所部兵萬餘由上黨越延壽軍合勢進擊知此有備皆還
還不進從珂遂將精騎三萬出次河橋親督諸軍然知其
不救但日酣飲悲歌而已下卯召敬瑭至行在所賜坐上
從容語之曰吾三千里舉兵而來一戰而勝殆天意也觀
汝雄偉弘大宜受茲南土世為我藩輔遂命有司設壇晉
陽備禮冊命十一月丁酉冊敬瑭為大晉皇帝自戊戌至

戊申候騎兩奏南有兵至復於西有兵至命惕隱遣使
拒之敬達在圍八十餘日內外隔絕軍儲殆盡至灌馬糞
屑木以飼馬馬飢至自相啖其驢尾死則以充食光遠等
勸敬達出降敬達曰吾有死而已爾欲降寧斬吾首以降
閏月甲子揚光遠安審琦殺敬達以降上聞敬達至死不
變謂左右曰凡為人臣當如此也命以禮葬所降軍士及
馬五千匹以賜晉帝丙寅祀天地以告成功庚午僕射蕭
酷古只奏趙德鈞等諸援兵將遁詔夜發兵追擊德鈞等
軍皆投戈棄甲自相蹂踐擠于川谷者不可勝紀仍命皇
太子馳輕騎據險要追及步兵萬餘悉降之辛未兵度圍

柏谷以酒有祀天地俄追及德鈞父子乃率眾降次潞州
召諸將議皆請班師從之命南宰相解頰鷓鴣底奚監軍
寅你已將軍陪阿先還壬申惕隱注林牙迪离畢來獻俘
晉帝辭歸上與宴飲酒酣執手約爲父子以白貂裘一廐
馬二十戰馬千二百錢之命迪离畢將五千騎送入洛臨
別謂之曰朕留此候亂定乃還耳辛巳晉帝至河陽李縱
珂窮蹙召人皇王倍同死不從遣人殺之乃舉族自焚詔
收其士卒戰歿者瘞之汾水上以爲京觀晉命桑維翰爲
文紀上功德十二月乙酉朔遣近侍提魯存問晉帝丙戌
以晉安所獲分賜將校戊子遣使馳奏皇太后及報諸道
師還庚寅發太原辛卯聞晉帝入洛遣郎君解里德撫問
壬辰次細河隄降將趙德鈞父子兵馬戊戌次鴈門以沙
太保所部兵分隸諸將庚戌幸應州癸丑唐大同彰國振
武三節度使迎見留之不遣

十二年春正月丙辰次堆子口唐大同軍節度判官云繼
閉城拒命遣崔廷勳圍其城庚申上親征至城下諭之繼
降辛酉射鬼箭于雲州北壬戌祀天地癸亥遣國舅安端
發奚西部民各還本土丙寅皇太后遣侍衛實魯趣行是
夕率輕騎先進丁丑皇子述律迎謁于灤河告劫太祖行
宮戊寅朝于皇太后進珍玩爲壽二月丁亥以軍前所獲

俘叛入幽州者皆斬之壬寅詔諸部休養士卒癸卯晉遣
 唐所掠郎君刺哥文班使蕭解里還朝三月庚申晉遣使
 來貢丁卯晉天雄軍節度使范延廣潛遣人請內附不納
 已已遣郎君的烈古梅里迭烈使晉壬午晉使及諸國使
 來見夏四月甲申地震幸平地松林觀潢水源五月甲寅
 幸頻蹕定壬申震開皇殿六月甲申晉遣戶部尚書聶延
 和等請尊號及歸隕門以北與幽薊之地仍歲貢帛三
 十萬定詔不許庚戌侍中列率言范延廣叛晉引兵南向
 秋七月辛亥朔詔諸部治兵甲癸丑幸懷州謁奉陵甲子
 晉遣使來告范延廣反庚午遣耶律曷古皇使晉議軍事

八月癸未晉遣使復請上尊號不許庚寅晉及太原劉知
 遠南唐李昇各遣使來貢庚子晉遣使以都汴及范延廣
 降來告九月壬子鼻骨德來貢庚申遣直里古使晉及南
 唐癸亥木不姑女直來貢辛未遣使高麗鐵驪癸酉回鶻
 來貢冬十月庚辰朔皇太后永寧節晉及回鶻燉煌諸國
 皆遣使來賀壬午詔回鶻使胡离只阿刺保問其風俗丁
 亥諸國使還就遣蒲里骨皮室胡末里使其國十一月己
 未遣使求醫于晉丁卯鐵驪來貢十二月甲申東幸祀木
 葉山己丑醫來

本紀第三

本紀第四

遼史四

開府儀同三司上柱國錄軍國重事平章事右丞相監修國史領經筵事都總裁臣脫脫奉

勅修

太宗下

會同元年春正月戊申朔晉及諸國遣使來賀晉使且言
已命和凝撰聖德神功碑戊辰遣人使晉二月壬午室韋
進白鹿戊子鐵驪來貢丁酉獵松山戊戌幸濟河東丙申
上思人皇王遣惕隱率宗室以下祭其行宮丁未詔增晉
使所經共億戶三月壬戌將東幸三剋言農務方興請減
輜重促還期從之丙寅女直來貢癸酉東幸夏四月戊寅

朔如南京甲申女直來貢乙酉幸溫泉己丑還宮朝于皇
太后丁酉女直貢弓矢己亥西南邊大詳穩耶律魯不古
奏党項捷五月甲寅晉復遣使請上尊號從之六月丙子
朔吐谷渾及女直來貢辛卯南唐來貢癸巳詔建日月四
時堂圖寫皇帝王事于兩廡秋七月癸亥遣使賜晉馬丁
卯遣鵲离底使晉梅里了古使南唐戊辰遣中臺省右相
耶律述蘭送烈哥使晉臨海軍節度使趙思溫副之冊晉
帝為英武明義皇帝八月戊子女直來貢庚子吐谷渾烏
孫靺鞨皆來貢九月庚戌黑車子室韋貢各馬邊臣奏晉
遣中司空馮道左散騎常侍韋勳來上皇太后尊號左

身劉煦右諫議大夫盧重上皇帝尊號遂遣監軍寅休
充接伴壬子詔群臣及高年凡授大臣爵秩皆賜錦袍金
帶白馬金飾鞍勒著于令冬十月甲戌朔遣郎君迪里姑
等撫問晉使壬寅晉遣使來謝冊禮是日復有使進獨峯
驪及名馬十一月甲辰朔命南北宰相及夷離堇就館賜
晉使馮道以下宴丙午上御開皇殿召見晉使壬子皇太
后御開皇殿馮道韋勳冊上尊號曰廣德至仁昭烈宗簡
應天皇太后甲子行再生柴冊禮丙寅皇帝御宣政殿劉
煦盧重冊上尊號曰睿文神武法天啓運明德章信至道
廣敬昭孝嗣聖皇帝大赦改元會同是月晉復遣趙崇奉

表來賀以幽薊瀛莫涿檀順媯儒新武雲應朔襄蔚十六
州并圖籍來獻於是詔以皇都爲上京府曰臨潢升幽州
爲南京南京爲東京改新州爲奉聖州武州爲歸化州升
北南二院及乙室夷离堇爲王以主簿爲令令爲刺史刺
史爲節度使二部梯里已爲司徒達刺干爲副使麻都不
爲縣令縣達刺干爲馬步置宣徽閣門使控鶴客省御史
大夫中丞侍御判官文班牙署諸官院世燭馬群遙輦世
燭南北府國舅帳郎君官爲敝史諸部宰相節度使帳爲
司空二室韋闥林爲僕射鷹坊監冶等局官長爲詳穩十
二月戊戌遣同括阿鉢等使晉制加晉馮道守太傅劉煦
以太保餘官各有差

二年春正月乙巳以受晉冊遣使報南唐高麗丁未御開
皇殿宴晉使馮道以下賜物有差戊申晉遣金吾衛大將
軍馬從斌考功郎中劉知新來貢珍幣命分賜群臣丙辰
晉遣使謝免沁邊四州錢幣二月戊寅宴諸王及節度使
來賀受冊禮者仍命皇太子惕隱迪輦餞之癸巳謁太祖
廟賜在京吏民物及內外群臣官賞有差丁酉加燕侍中
左金吾衛上將軍王郤檢校太尉三月改于裏潭之側戊
甲女直來貢丁巳封皇子述律爲壽安王罷撤葛爲太平
王己巳大賚百姓夏四月乙亥幸木葉山癸巳東京路奏

依食人五月乙巳禁南京鬻牝羊出境思奴古多里等坐
 盜官物籍其家南唐遣使來貢丁未以所貢物賜群臣戊
 申回鶻單于使人乞授官詔第加刺史縣令六月丁丑兩
 雪是夏駐蹕頻蹕淀秋七月戊申晉遣使進犀帶庚戌吐
 谷渾來貢乙卯敬史阿鉢坐奉使失職命答之閏月癸未
 乙室大王坐賦調不均以木劍背撻而釋之并罷南北府
 民之供及宰相節度諸賦役非舊制者乙酉遣的烈賜晉
 烏古良馬己丑以南王府一刺史貪蠶蠶各杖一百仍繫獄
 候滿備射界箭選群臣為民所愛者代之八月乙丑晉遣
 使貢歲幣奏輸戊亥二歲金幣于燕京九月甲戌阻卜回
 鶻底來貢己卯遣使使晉冬十月丁未上以烏古部水草
 肥美詔北南院徙三石烈戶居之十一月丁亥鐵驪激燥
 並遣使來貢十二月庚子鉤魚于土河甲子回鶻使者饋
 人有以刃相擊者詔付其使處之

三年春正月戊子吳越王遣使來貢庚寅人皇王妃來朝
 回鶻使乞觀諸國使朝見禮從之三月遣陪謁阿鉢使晉
 致生辰禮晉以并鎮忻代之吐谷渾來歸二月己亥奚王
 勞骨寧率六節度使朝貢帝命子烏古遣使獻伏鹿國俘賜
 其部夷离堇旗鼓以旌其功壬寅女直來貢辛亥黑離鶻
 末里使回鶻阿薩蘭還賜對衣勞之乙卯鴨綠江女直遣

使來覲三月戊辰遣使使晉報幸南京己巳如南京辛未
命惕隱耶律涅離骨德率萬騎先驅壬申次石嶺以奚王
勞骨寧監軍寅你巳朝謁不時切責之丙子魯不姑上党
項俘獲數癸未獵水門獲白鹿庚寅詔扈從擾民者從軍
律甲午幸薊州乙未晉及南唐各遣使來覲夏四月庚子
至燕備法駕入自拱辰門御元和殿行入閣禮壬寅遣人
使晉乙巳幸留守趙延壽別墅丙午晉遣宣徽使楊端王
眺等來問起居壬子御便殿宴晉及諸國使丙辰晉遣使
進茶藥壬戌御昭慶殿宴南京群臣癸亥晉遣使賀端午
以所進節物賜群臣乙丑南唐進白龜五月庚午以端午

宴群臣及諸國使命回鶻燉煌二使作本俗舞俾諸使觀
之庚辰晉遣使進弓矢甲申遣皇子夫德及檢校司徒邱
用和使晉以子閱騎兵于南郊六月乙未朔東京宰相耶
律羽之言渤海相大素賢不法詔僚佐部民舉有才德者
代之丙申閱歲卒于南郊庚子晉及轄刺骨只遣使來覲
壬寅駕發燕京命中書令蕭僧隱部諸道軍于長安營癸
丑次奉聖州甲寅勞軍士秋七月己巳獵猾底烈山癸酉
朝于皇太后丙子從皇太后視人皇王妃疾戊寅人皇王
妃蕭氏薨己卯以安重榮據鎮州叛晉詔征南將軍柳嚴
邊備丙戌徙人皇王行宮于其妃薨所辛卯晉遣使請行

南郊禮許之八月己亥詔東丹史民爲其王倍妃蕭氏服
庚子阻下來貢壬寅遣使南唐乙巳阻卜黑車子室韋貨
烈等國來貢南唐遣使求青纒帳賜之戊申以安端私城
爲白川州辛亥鼻骨德使乞賜爵以其國相授之甲寅阻
卜來貢乙卯置白川州官屬丙辰詔以于諧里河臚胸河
之近地給賜南院歐董突呂乙斯勃北院溫納何刺三石
烈人爲農田九月庚午侍中崔窮古言晉主聞陛下數游
獵意請節之上曰朕之畋獵非徒從樂所以練習武事也
乃詔諭之壬午邊將奏破吐谷渾擒其長詔止誅其首惡
及其丁壯餘並釋之丙戌晉遣使貢名馬戊子女直及吳

越王遣使來貢冬十月辛丑遣剋朗使吳越略姑使南唐
庚申晉遣使貢布及請親祠南嶽後之十一月己巳南唐
遣使奉麟丸書言晉密事丁丑詔有司教民播種紡績除
姊亡妹績之法十二月壬辰朔率百僚謁太祖行宮甲午
燔柴禮畢祠于神帳丙申遣使使晉丙辰詔契丹人授漢
官者從漢儀聽與漢人婚姻丁巳詔燕京皇城西南堞建
涼殿是冬駐蹕于傘淀

四年春正月壬戌以乙室品卑突軌三部鯨身不能自存
者官爲之配丙子南唐遣使來貢庚辰涅刺烏隗部獻党
項俘獲數己丑詔定征党項功二月丙申皇太子獲白驪

甲辰晉遣使進香藥丙子鐵驪來貢丁巳詔有司編始祖
 奇首可汗事迹己未晉遣楊彥詢來貢且言鎮州安重榮
 跋扈狀遂留不遣是月晉鎮州安重榮執遼使者拽刺三
 月特授回鶻使闊里于越并賜旌旗弓劍衣馬餘賜有差
 癸酉晉以許祀南郊遣使來謝進黃金十鎰夏四月己卯
 晉遣使進櫻桃五月庚辰吐谷渾夷离董蘇等叛入晉遣
 牒蠟往諭晉及太原守臣六月辛卯振武軍節度副使趙
 崇逐其節度使耶律畫里以朔州叛附晉丙午命宣徽使
 馮古只赴朔州以兵圍其城有晉使至請開壁即勿聽驛
 送闕下秋七月癸亥南唐遣使奉蠟丸書丙寅馮古只奏

使至朔令降守者猶堅壁弗納且言晉有貢物命臣

物賜攻城將校己巳有司奏神蠟車有蜂窠成窠

之吉壬申晉遣使進水晶硯八月癸巳南唐奉蠟丸

庚子晉遣使進犀弓竹矢吳越王遣使奉蠟丸書九月

甲有星孛于晉分丁丑幸歸化州冬十月辛丑有司奏

燕薊大熟癸卯吳越王遣使來貢十一月丙寅晉以討安

重榮來告庚午吐谷渾請降遣使撫諭阻下來貢以其物

賜左右丙子鴨綠江女直來貢壬午以永寧天授二節及

正旦重午冬至臘並受賀著令十二月戊子晉遣使來告
 山南節度使安從進反詔以使宣討之庚寅南唐遣使奉

續九書戊戌晉遣王升鸞來貢戊申晉以敗安重榮來告
遂遣楊彥詢歸辛亥晉遣使乞罷戍兵詔惕隱朔古班師
甲寅攻拔朔州遣控鶴指揮使諧里勞軍時裏古只戰歿
城下上怒命誅城中丁壯仍以叛民上戶三十為裏古只
部曲

五年春正月丙辰朔上在歸化州御行殿受群臣朝以講
道貢物進太后及賜宗室百僚戊午詔求直言北王府
君耶律海思應詔召對稱旨特授直學士詔政事令僧
等以契丹戶口屯南邊戊辰晉函索首來獻上數
親前重榮至是乃止然晉遣使使晉是月晉以朔州平

使來賀遂遣客省使耶律化哥使晉升致生辰禮二月
辰上將南幸以諸路有未平者召太子及群臣議皆曰
襄鎮朔三州雖已平然吐谷渾為安重榮所誘猶未歸
宜發兵討之以警諸部上曰王與朕合遂詔以明王
代于越信恩為西南路招討使以討之且諭明王
習邊事而後之官甲午如南京遣使使晉索吐谷渾
乙未鼻骨德來貢三月乙卯朔晉遣齊州防禦使宋暉
翰林茶酒使張言來問起居閏月駐蹕陽門夏四月甲
寅朔鐵驪來貢以其物分賜群臣丙子晉遣使進射柳
鞍馬五月五日戊午禁屠宰六月癸丑朔晉齊王重
貴遣使來

貢丁巳徒覩古素撤來貢乙丑晉主敬瑭殂子重貴立戊辰晉遣使告哀輟朝七日庚午遣使往晉弔祭丁丑聞皇太后不豫上馳入侍湯藥必親嘗仍告太祖廟幸菩薩堂飯僧五萬人七月乃愈秋七月庚寅晉遣金吾衛大將軍梁言判四方館事朱崇節來謝書稱孫不稱臣遣客省使喬榮讓之景延廣荅曰先帝則聖朝所立今主則我國自冊為鄰為孫則可奉表稱臣則不可榮還其奏之上始有南伐之意辛卯阻卜鼻骨德烏古來貢將軍闍德里蒲魯_二降將轄德至闕并獻所獲丁未晉遣使以祖母哀來_一八月辛酉女直阻卜烏古各貢方物甲子晉復襄州戊

辰詔河東節度使劉知遠送叛臣烏古指揮使由燕京赴闕癸酉遣天城軍節度使蕭拜石弔祭丁酉九月壬辰遣使賀晉帝嗣位冬十月己巳徵諸道兵遣將軍密骨德伐党項十一月乙未武定軍奏松生事十二月癸亥晉遣使來謝是冬駐蹕赤城

六年春二月乙卯晉遣使進先帝遺物辛酉晉遣使請居汴從之三月己卯朔吳越王遣使來貢甲申梅里喘引來歸戊子南唐遣使奉蠟丸書丁未晉至汴遣使來謝夏四月戊申朔日有食之五月己亥遣使如晉致生辰禮六月丁未朔鐵驪來貢己未奚鋤骨里部進白麝辛酉莫州進

白鶻晉遣使貢金秋八月丁未朔晉復貢金己未如奉聖
州晉遣其子延煦來朝冬十一月辛卯上京留守耶律迪
輦得晉諜知有二心甲辰鐵驪來貢十二月丁未如南京
議伐晉命趙延壽趙延昭安端解里等由滄恒易定分道
而進大軍繼之是歲楊彥昭請移鎮柰灤及新鎮從之

七年春正月甲戌朔趙延壽延昭率前鋒五萬騎次任丘
丙子安端入鴈門圍忻代己卯趙延壽圍貝州其軍校邵
珂開南門納遼兵太守吳巒投井死己丑次元城授延壽
魏博等州節度使封魏王率所部屯南樂丙申遣兵攻黎
陽晉張彥澤來距辛丑晉遣使來修舊好詔割河北諸州

及遣桑維翰景延廣來議二月甲辰攻博州刺史周儒以
城降晉平盧軍節度使楊光遠密遣師自馬家口齊河
晉將景延廣命石斌守麻家口白再榮守馬家口未幾周
儒引遼軍麻荅營于河東攻鄆州北津以應光遠晉遣李
守貞皇甫遇梁漢璋薛懷讓將兵萬人緣河水陸俱進遼
軍圍晉別將于戚城晉主自將救之遼師解去守貞等至
馬家口麻荅遣步卒萬人築營壘騎兵萬人守於外餘兵
屯河西渡未已晉兵薄之遼軍不利三月癸酉朔趙延壽
言晉諸軍沿河置柵皆畏怯不敢戰若率大兵直抵澶淵
據其橋梁晉必可取是日晉兵駐澶淵其前軍高行周在

戚城乃命延壽延昭以數萬騎出行周右上以精兵出其
 左戰至暮上復以勁騎突其中軍晉軍不能戰會有謀者
 言晉軍東面數少汭河城柵不固乃急擊其東偏眾皆奔
 潰繼兵追及遂大敗之壬午留趙延昭守貝州徙所俘戶
 于內地夏四月癸丑還次南京辛未如涼陘五月癸酉耶
 律里得奏破德州擒刺史尹居璠及將吏二十七人六
 月甲辰黑車子室韋來貢乙巳任沒里要里等國來貢秋
 七月己卯晉相亮遠遣人奉蠟丸書辛卯晉遣張暉奉表
 乞和留暉不遣八月辛酉回鶻遣使請婚不許是月晉鎮
 州兵來襲飛狐大同軍節度使耶律孔阿戰敗之九月庚

平朔北辛十月丁未鼻骨德來貢壬戌天授節諸國進
 惟晉不至十一月壬申詔徵諸道兵以閏月朔會溫榆口
 北十二月癸卯南伐甲子次古北口閏月己巳朔閱諸道
 兵於溫榆河己卯圍恒州下其九縣

八年春正月庚子分兵攻邢洛磁三州殺掠殆盡入鄴都
 境張從恩馬全節安審琦兵悉陳于相州安陽水之南
 甫遇與濮州刺史慕容彥超將兵千騎來覘遼軍至鄴都
 遇遼軍數萬且戰且却至榆林店遼軍繼至遇與彥超力
 戰百餘合遇馬斃出戰審琦引騎兵踰水以救遼軍乃還
 二月圍魏晉將杜重威率兵來救戊子晉將折從阮陷滕

通鑑卷四
州三月戊戌師拔祁州殺其刺史沈斌庚戌杜重威李守
貞攻赤州戊子趙延壽率前鋒薄恭城己未重威守貞引
兵南道追至陽城大敗之復以步卒爲方陣來拒與戰二
十餘合壬戌復搏戰十餘里癸亥圍晉兵于白團衛村晉
兵下鹿角爲營是夕大風至曙命鐵鷁軍下馬拔其鹿角
奮炬兵入擊順風縱火揚塵以助其勢晉軍大呼曰都招
討何不用兵令士卒徒死諸將皆奮出戰張彥澤藥元福
皇甫遇出兵大戰諸將繼至遼軍却數百步風益甚晝晦
如夜符彥卿以萬騎橫擊遼軍率步卒並進遼軍不利
乘夜軍退十餘里晉追兵急獲一橐駝乘之乃歸晉兵退

保定州夏四月甲申還次南京杖戰不力者各數百庚寅
宴將士於元和殿癸巳如涼陁六月戊辰回鶻來貢辛未
吐谷渾鼻骨德皆來貢辛巳黑車子室韋來貢丁亥趙延
壽奏晉兵襲高陽戍將擊走之秋七月乙卯獵平地松林
晉遣孟守中奉表請和仍以前事答之八月己巳詔侍衛
蕭素撒閱群牧子北陁九月壬寅次赤山宴從臣問軍國
要務對曰軍國之務愛民爲本民富則兵足兵足則國強
上以爲然辛酉還上京冬十月辛未祠木葉山十一月戊
戌女直鐵驪來貢十二月癸亥朔朝謁太祖行宮乙丑雲
州節度使耶律孔阿獲晉謀者戊辰臘賜諸國貢使衣馬

九年春正月庚子回鶻來貢丁未女直來貢二月戊辰鼻
骨德奏軍籍三月己亥吐谷渾遣軍校恤烈獻生口千戶
授恤烈檢校司空夏四月辛酉朔吐谷渾白可久來附是
月如涼陁五月庚戌晉易州戍將孫方簡請內附六月戊
子謁祖陵更闕神殿爲長思秋七月辛亥詔徵諸道兵劫
傷禾稼者以軍法論癸丑女直來貢乙卯以阻上酋長以
刺爲本部夷離董八月丙寅烏古來貢是月白將西
月壬辰閱諸道兵于漁陽西東林淀是月趙延壽與
彥暉戰于定州敗之十一月戊子朔進圍鎮州丙申
候騎報晉兵至遣精兵斷河橋晉兵退保武強南完

迎輦將軍高模翰分兵由瀛州間道以進杜重威遣兵
節度使梁漢璋率衆來拒與戰大敗之殺梁漢璋杜重威
張彥澤引兵據中渡橋趙延壽以步卒前擊高彥溫以騎
兵乘之追奔逐北殪屍數萬斬其將王清宋彥筠墮水死
重威等退保中渡寨義武軍節度使李殷以城降遂進兵
夾滹沱而營去中渡寨三里分兵圍之夜則列騎環守晝
則出兵抄掠復命大內惕隱耶律朔骨里及趙延壽分兵
圍守自將騎卒夜渡河出其後攻下欒城降騎卒數千分
遣將士據其要害下令軍中預備軍食三日不得舉煙火
但獲晉人即烹而縱之諸饋運見者皆棄而走於是晉兵

內外隔絕食盡勢窮十二月丙寅杜重威李守貞張彥澤等率所部二十萬衆來降上擁數萬騎臨大阜立馬以受之授重威守太傅鄴都留守守貞天平軍節度使餘各錄舊職分降卒之半付重威半以隸趙延壽命御史大夫鮮于監軍傅桂兒張彥澤持詔入汴諭晉帝母李氏以安其意且召柴維翰景延廣先來留騎兵千人守魏自率大軍而南壬申解甲等至汴晉帝重貴素服拜命與母李氏奉表請罪初重貴絕和好維翰數諫止之不從至是彥澤殺維翰給言自經死詔收葬之復其園第宅仍厚恤其家彥澤遷重貴及其母若妻於開封府署以控鶴指揮

使李榮督兵衛之壬午次赤岡重貴舉族出封在門亭索牽羊以待上不忍臨視命改館封禪寺晉百官縞衣紗帽俯伏待罪上曰其主負息其臣可罪命領職如故即授安叔千金吾衛上將軍叔千出班獨立上曰汝邢州之請朕所不忘乃加鎮國軍節度使益在邢嘗密請內附也將軍康祥執景延廣來獻詔以牙籌數其罪凡八執送都道自殺

大同元年春正月丁亥朔備法駕入汴御崇元殿受百官賀戊子以樞密副使劉敏權知開封府殺秦繼旻李彥紳及鄭州防禦使楊承勳以其弟承信爲平盧軍節度使襲

父爵初楊光遠在青州求內附其子承勳不聽殺其判官
丘濤及弟承祚等自歸于晉故誅之己丑以張彥澤擅徙
重貴開封殺禁維翰縱兵大掠不道斬於市晉人鬻食之
辛卯降重貴為崇祿大夫檢校太尉封負義侯癸巳以張
礪為平章事晉李崧為樞密使馮道為太傅和凝為翰林
學士趙瑩為太子太保劉煦守太保馮玉為太子少保癸
卯遣趙瑩馮玉李彥韜將三百騎送負義侯及其母李氏
妃 氏妻馮氏弟重睿子延煦延寶等于黃龍府安置
仍以其宮女五十人內宦三人東西班五十人醫官一人
控鶴四人庖丁七人茶酒司三人儀鸞三人健卒十人從

之二月丁巳朔建國號大遼大赦改元大同并鎮州為
京以趙延壽為大丞相兼政事令樞密使中京留守外
官僚將士爵賞有差辛未河東節度使北平王劉知遠自
立為帝國號漢詔以耿崇美為昭義軍節度使高唐英為
昭德軍節度使崔廷勳為河陽軍節度使分據要地三月
丙戌朔以蕭翰為宣武軍節度使賜將吏爵賞有差壬寅
晉諸司僚吏嬪御宦寺方技百工圖籍曆象石經銅人明
堂刻漏太常樂譜諸宮縣鹵簿法物及鎧仗悉送上京磁
州帥梁暉以相州降漢己酉命高唐英討之夏四月丙辰
朔發自汴州以馮道李崧和凝李瀚徐台符張礪等從行

次赤岡夜有聲如雷起於御幄大星復墮於旗鼓前乙丑
濟黎陽渡顧謂侍臣曰朕此行有三失縱兵掠芻粟一也
括民私財二也不遽遣諸節度還鎮三也皇太弟遣使問
軍前事上報曰初以兵二十萬降杜重威張彥澤下鎮州
及入汴視其官屬具負者省之當其才者任之司屬雖存
官吏廢墮猶雞飛之後徒有空巢久經離亂一至於此所
在盜賊屯結土功不息餽餉非時民不堪命河東尚未歸
命西路酋帥亦相黨附夙夜以思制之之術惟推心庶僚
和協軍情撫綏百姓二者而已今所歸順凡七十六處得
戶一百九萬百一十八非汴州炎熱水土難居止得一年
太平可指掌而致且改鎮州為中京以備巡幸欲伐河東
姑俟別圖其槩如此戊辰次高邑不豫丁丑崩于欒城年
四十六是歲九月壬子朔葬于鳳山陵曰懷陵廟號太宗
統和二十六年七月上尊謚孝武皇帝重熙三十一年九
月增謚孝武惠文皇帝

贊曰太宗甫定多方遠近向化建國號備典章至於釐庶
政闕名實錄徒教耕織配鰥寡求直言之士得郎君海
思即擢宣徽嘉唐張敬達忠於其君卒以禮葬輟遊豫而
約三刻之請憫士卒而下休養之今親征晉國重貴面縛
斯可謂威德兼弘英略間見者矣汴之後無幾微之驕

有三失之訓傳稱鄭伯之善處勝書進秦誓之能悔過太宗蓋兼有之其卓矣乎

本紀第四

本紀第五

開府儀同三司上柱國錄軍國重事中書右丞相監修國史領經筵事都總裁臣歐陽文忠公

世宗一

世宗孝和莊憲皇帝諱阮小字元欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人皆歸之太宗愛之如子會同九年從伐晉大同元年二月封永康王四月丁丑太宗崩於纒城戊寅梓宮次鎮陽即皇帝位於柩前甲申次定州命天德朔古解里等護梓宮先赴上京太后聞帝即位遣太弟李胡率兵拒之六月甲寅

朔次南京五院夷萬董安端詳穩劉哥遣人馳報請為前
鋒至泰德泉遇李胡軍戰敗之上遣郎君勤德等詣兩軍
諭解秋閏七月次潢河太后李胡整兵拒於橫渡相持數
日用屋質之謀各罷兵趨上京既而聞太后李胡復有異
謀遷于祖川誅司徒劃設及楚補里八月壬午朔尊母蕭
氏為皇太后以太后族刺只撒古魯為國舅帳立詳穩以
總焉以崇德宮戶分賜翼戴功臣及北院大王汪南院大
王吼各五十安搏楚補各百的魯鐵刺子孫先以非罪籍
沒者歸之癸未始置北院樞密使以安搏為之九月壬子
崩葬嗣聖皇帝於懷陵丁卯行柴冊禮群臣上尊號曰天

樞皇帝大赦改大同元年為天祿元年追謚皇考曰讓
皇帝以安端主東丹國封明王察割為泰寧王劉哥為懷
隱高勳為南院樞密使

二年春正月天德蕭翰劉哥益都等謀反誅天德杖蕭翰
遷劉哥於邊罰益都使轄憂斯國漢主劉知遠殂子承祐

立夏四月庚辰朔南唐遣李朗王祚來慰且賀兼奉蠟丸
書議攻漢秋七月壬申皇子賢生冬十月壬午南京留守

魏王趙延壽薨以中臺省右相牒螭為南京留守封燕王
十一月駐蹕彰武南

三年春正月蕭翰及公主阿不里謀反翰伏誅阿不里死

死獄中庚申肆赦內外官各進一階夏六月戊寅以尚史
耶律胡離軫為北院大王己卯陽隱顏昱封漆水郡王秋
九月辛丑朔召群臣議南伐冬十月遣諸將率兵攻下
州高老鎮徇地鄴都南宮堂陽殺深州刺史史萬山俘獲
甚衆

四年春二月辛未恭寧王察割來朝留侍是月建政事省
三月戊戌朔南唐遣趙延嗣張佖等來賀南征捷秋九月
乙丑朔如山西冬十月自將南伐攻下安平內丘東鹿等
城大獲而還是歲冊皇后蕭氏

五年春正月癸亥朔如百泉湖漢郭威弒其主自立國號

周遣朱憲來告即遣使致良馬漢劉崇自立於太原二月
周遣姚漢英華昭胤來以書辭抗禮留漢英等夏五月壬
戌朔太子太傅趙瑩薨朝一日命歸葬于汴詔州縣錄
事參軍主簿委政事省銓注六月辛卯朔劉崇為周所攻
遣使稱姪乞援且求封冊即遣燕王牒螭樞密使高勳冊
為大漢神武皇帝南唐遣蔣洪來乞舉兵應援是夏清暑
日泉嶺九月庚申朔自將南伐壬戌次歸化州祥古山癸
亥祭讓國皇帝于行宮群臣皆醉察割反帝遇弒年三十
四應曆元年葬於顯州西山陵曰顯陵二年謚孝和皇帝
廟號世宗統和二十六年七月加謚孝和莊憲皇帝

贊曰世宗中才之主也入繼大統曾未三年納唐九書即
議南伐既乏持重宜班周防蓋有致禍之道矣然而孝友
寬慈亦有君人之度焉未及師還變起沉湎豈不可哀也
哉

本紀第五

本紀第六

遼史六

勅修

穆宗一

開府儀同三司上柱國歸軍國軍事書及相穆修國史領經筵事都總教臣

穆宗孝安敬正皇帝諱璟小字述律太宗皇帝長子母曰
靖安皇后蕭氏會同二年封壽安王天祿五年九月癸亥
世宗遇害逆臣察割等伏誅丁卯即皇帝位群臣上尊號
曰天順皇帝改元應曆戊辰如南京是月遣劉承訓告哀
于漢冬十一月漢周南唐各遣使來弔乙亥詔朝會依嗣
聖皇帝故事用漢禮十二月甲辰漢遣使獻弓矢鞍馬壬

子鐵驪鼻骨德皆來貢

二年春正月戊午朔南唐遣使奉蠟丸書及進犀兕申萬
屬壬戌太尉忽古質謀逆伏誅二月癸卯女直來貢三月
癸亥南唐遣使奉蠟丸書丁卯復遣使來貢甲申以耶律
撻烈為南院大王夏四月丙戌朔日有食之己亥鐵驪進
鷹鷂五月丙辰朔視朝壬午南唐遣使來貢六月壬辰國
舅政事令蕭眉古得宣政殿學士李澣等謀南奔事覺詔
暴其罪乙未祭天地壬寅漢為周所侵遣使求援命中臺
省右相高模翰赴之丁未命乳媪之兄曷魯世為阿速石
烈夷酋童秋七月乙亥政事令婁國沐三敵烈侍中神都

郎君海里等謀亂就戮

己丑眉古得婁國等伏誅

李澣而釋之九月甲寅朔云州進嘉禾四莖二穗戊午詔
以先平察割日用白黑羊玄酒祭天歲以為常壬戌獵炭
山祭天庚辰敵烈部來貢冬十月甲申朔漢使進葡萄酒
酒甲午司徒老古等獻白雉戊申回鶻及轄戛斯皆遣使
來貢十一月癸丑朔視朝己巳地震己卯日南至始用舊
制行拜日禮朔州民進黑兔十二月癸未朔高模翰及漢
兵圍晉州辛卯以生日飯僧釋繫囚甲辰獵于近郊祀天
地辛亥明王安端薨

三年春閏正月壬午朔漢以高模翰却周軍遣使來謝二

月辛亥朔詔用嗣聖皇帝舊曆甲子太保敵烈脩易州城
鎮州以兵來挑戰却之三月庚辰朔南唐遣使來貢因附
書于漢詔達之庶寅如應州擊鞠丁酉漢遣使進毬衣及
馬庚子觀德湖夏四月庚申鐵驪來貢五月壬寅
漢遣使言不詳先帝聖德神功碑為周人所毀請再刻
許之六月丁卯應天皇帝太后崩秋七月不視朝八月壬子
以生日釋囚己未漢遣使求援三河烏古吐蕃吐谷渾
骨德皆遣使來貢九月庚子漢遣使貢藥冬十月己酉命
太師唐骨德治大行皇太后園陵李胡子宛郎君嵇幹敵
烈謀反事覺辭逮太平王登撒葛林牙華割郎君新羅等

皆執之十一月辛丑謚皇太后曰貞烈葬祖陵漢遣使來

會冬駐蹕奉聖州以南京水詔免今歲租

四年春正月戊寅回鶻來貢己丑華割嵇幹等伏誅宛及

撒葛皆釋之是月周主威殂養子晉王柴榮嗣立二月

丙午朔周攻漢命政事令耶律敵祿援之丙辰漢遣使進

茶藥辛南京夏五月乙亥所代二州叛漢遣南院大王撻

烈助敵祿討之丁酉撻烈敗周將符彥卿於忻口六月癸

亥撻烈獻所獲秋七月乙酉漢民有為遼軍誤掠者遣使

來請詔悉歸之九月丙申漢為周人所侵遣使來告冬十

一月彰國軍節度使蕭敵烈太保許從壇奏所代二州捷

十二月辛酉朔謁祖陵庚午漢遣使來貢是冬駐蹕杏嶠
五年春正月辛未朔鼻骨德來貢二月庚子朔日有食之
庚申漢遣使請上尊號不許壬戌如襄潭夏四月己酉周
侵漢漢遣使求援癸丑命卽君蕭海瓌世爲北府宰相秋
九月庚辰漢主有疾遣使來告冬十月壬申女直來貢丁
亥謁太宗廟庚寅南唐遣使來貢十一月乙未朔漢主宗
昶子承鈞遣使來告且求嗣立遣使弔祭遂封冊之十二
月乙丑朔謁太祖廟辛巳漢遣使來議軍事

六年夏五月丁酉謁懷陵六月甲子漢遣使來議軍事秋
七月不視朝九月戊午謁祖陵冬十一月壬寅鼻骨德來

貢十二月己未朔謁太祖廟

七年春正月庚子鼻骨德來貢二月辛酉南唐遣使奉蠟
丸書辛未駐蹕潢河夏四月戊午朔還上京初女巫肖古
上延年藥方當用男子膽和之不數年殺人甚多至是覺
其妄辛巳射殺之五月辛卯漢遣使來貢六月丙辰周遣
使來聘南唐遣使來貢八月己未周遣使來聘是秋不聽
政冬十月庚申獵于七鷹山十二月丁巳詔大臣曰有罪
者法當刑朕或肆怒濫及無辜卿等切諫無或面從辛巳
還上京

八年春二月乙丑駐蹕潢河夏四月甲寅南京留守蕭思

溫攻下沁邊州縣遣人勞之五月周陷東城縣六月辛未
蕭思溫請益兵乞駕幸燕秋七月獵于拽刺山迄于九月
射鹿諸山不視朝冬十一月辛酉漢遣使來告周復來侵
乙丑使再至十二月庚辰又至

九年春正月戊辰駐蹕漢河夏四月丙戌周來侵戊戌以
南京留守蕭思溫爲兵馬都總管擊之是月周拔益津至
橋淤口三關五月乙巳朔陷瀛莫二州癸亥如南京辛未
周兵退六月乙亥朔視朝戊寅復容城縣庚申西幸如懷
州是月周主榮殂子宗訓立秋七月發南京軍戌范陽冬
十二月戊寅還上京庚辰王子敵烈前宣徽使海思及蕭
達干等謀反事覺鞠之辛巳祀天地祖考告逆黨事敗所
申召群臣議時政

十年春正月周殿前都點檢趙匡胤廢周自立建國號宋
夏五月乙巳謁懷陵壬子漢以潞州歸附來告丙寅至自
懷陵六月庚申漢以宋兵圍石州來告遣大同軍節度使
阿剌率四部往援詔蕭思溫以三部兵助之秋七月己亥
朔宋兵陷石州潞州復叛漢使來告辛酉政事令耶律壽
遠大保楚阿不等謀反伏誅以酒脯祠天地于黑山八月
如秋山幸懷州庚午以鎮茵石拔猊擊殺近侍古哥冬十
月丙子李胡子喜隱謀反辭連李胡下獄死十一月海思

獄中上書陳便宜

十一年春二月丙寅釋喜隱辛亥司徒烏里只子述利哥誣告其父謀反復詐乘傳及殺行人以其父請杖而釋之丙辰蕭思溫奏老人星見乞行赦宥閏月甲子如漢河夏四月癸巳朔日有食之是月射鹿不視朝五月乙亥司天王白李正等進曆六月甲午赦冬十一月歲星犯月十二年春正月甲戌夜觀燈二月己丑朔以御史大夫蕭護思爲北院樞密使賜對衣鞍馬夏五月庚午以早命左右以水相沃頃之果雨六月甲午祠木葉山及潢河秋如黑山赤山射鹿

十三年春正月自丁巳晝夜酣飲者九日丙寅宋欲城益津關命南京留守高勳統軍使崔延勳以兵擄之癸酉殺獸人海里二月庚寅漢遣使來告欲巡邊徽乞張聲授壬辰如潢河癸巳觀群臣射賜物有差乙巳老人星見三月癸丑朔殺鹿人彌里吉梟其首以示掌鹿者夏四月乙亥獵于潢河五月壬戌幹朗改國所進花鹿生麋六月癸未近侍傷獐杖殺之甲申殺獐人靈馬壬辰詔諸路錄囚秋七月辛亥朔漢以求侵來告乙丑薦時羞於廟八月甲申以生日縱五坊鷹鷂戊戌幸近山呼鹿射之旬有七日而後返九月庚戌朔以青牛白馬祭天地飲于野次終夕乃

罷辛亥以酒脯祭天地復終夜酣飲冬十月丙申漢以宋
侵來告十一月庚午獵飲于虞人家凡四日十二月戊
子射野鹿賜虞人物有差夷軍殺虜人曷主

本紀第六

本紀第七

遼史七

開元義尚司上柱國錄軍國重事
中書右丞相監修國史領經筵事
兼總教習

勅修

穆宗二

十四年春正月戊寅朔奉安神燾戊戌漢以宋將來襲馳
告二月壬子詔西南面招討使撻烈進兵援漢癸亥如漢
河戊辰支解鹿人没荅海里等七人于野封土識其地已
巳如老林東濼壬申漢以敗宋兵石州來告夏四月丁巳
漢以擊退宋軍遣使來謝是月黃龍府甘露降五月射獵
于白鷹山至于浹旬六月丙午朔獵于玉山竟月忘

通鑑卷之七
迺秋七月壬辰以酒脯祀黑山八月乙巳如磴子嶺呼底射之獲鹿四賜虞人女瓌等物有差丁未還宮戊申以生日值天赦不受賀曲赦京師囚乙卯錄囚九月黃室韋叛冬十月丙午近侍烏古者進石錯賜白金二百五十兩丙辰以掌鹿矧思代幹里為閹撒狻賜金帶金盞銀二百兩所隸死罪以下得專之十一月壬午日南至宴飲達旦自是晝寢夜飲殺近侍小六於禁中十二月丙午以黑兔祭神烏古叛掠民財畜詳穩僧隱與戰敗績僧隱及乙實等死之

十五年春正月己卯以樞密使雅里斯為行軍都統虎軍

詳穩楚思為行軍都監益以突呂不部軍三百合諸部兵討之烏古夷萬董子勃勒底獨不叛詔褒之是月老人星見二月壬寅朔日有食之上東幸甲寅以獲鵝除鷹坊刺面腰斬之刑復其徭役是月烏古殺其長宰雜底餘衆降復叛三月癸酉近侍東兒進匕筋不時手刃刺之丁丑大黃室韋酋長寅尼吉叛癸未五坊人四十戶叛入烏古癸巳虞人沙刺迭偵鵝失期加炮烙鐵梳之刑而死夏四月乙巳小黃室韋叛雅里斯楚思等擊之為室韋所敗遣使詰之乙卯以禿里代雅里斯為都統以女古為監軍率輕騎進討仍令撻馬尋吉里持詔招諭五月壬申尋吉里奏

諭之不從雅里其以撻禦蘇二群牧兵追至柴河與戰不利甲申庫古只奏室韋長寅尼吉亡入敵烈六月辛亥俞魯古獻良馬賜銀二千兩以近侍忽刺比馬至先以聞賜銀千兩是月敵烈來降秋七月甲戌雅里斯奏烏古至河德灤遣夷离董畫里夷离畢常思擊之丁丑烏古掠上京北榆林峪居民遣林牙蕭幹討之庚辰雅里斯等與烏古戰不利十月丁未常思與烏古戰敗之十二月甲辰以近侍喜哥私歸殺其妻丁未殺近侍隨魯駐蹕黑山平淀十六年春正月丁卯朔被酒不受賀甲申微行市中賜酒家銀絹乙酉殺近侍白海及家僕衫福押刺葛樞密使

吏老古撻馬失魯三月己巳東幸庚午獲鴨甲申獲鵝皆飲達旦五月甲申以歲旱泛舟于池禱雨不雨捨舟亡水中而禱俄頃乃雨六月丙申以白海死非其罪賜其家銀絹秋七月壬午論有司九行幸之所必高立標識令民勿犯違以死論八月丁酉漢遣使貢金器鎧甲閏月乙丑觀野鹿入馴鹿群立馬飲至晡九月庚子以重九宴飲夜以繼日至壬子乃罷己未殺狼人裏里十月庚辰漢主有母喪遣使賻弔十二月甲子幸酒人技刺哥家復幸殿前都點檢耶律夷膺葛第宴飲連日賜金盃細錦及孕馬百疋左右授官者甚衆戊辰漢遣使來貢是冬駐蹕黑山平淀

十七年春正月庚寅朔林牙蕭幹郎君耶律賢適討烏古
還帝執其手賜卮酒授賢適右皮室詳穩雅里斯楚思靈
里三人賜醕酒以辱之乙卯夷离畢骨欲獻烏古俘二月
甲子高勳奏宋將城益津關請以偏師擾之上從之夏四
月戊辰殺鷹人敵魯丙子射柳祈雨後以水沃群臣五月
辛卯殺鹿人札葛壬辰北府宰相蕭海瓌薨朝罷重五
宴六月己未支解雉人壽哥念古殺鹿人四十四人是夏
駐蹕襄潭秋八月辛酉生日以政事令阿不底病亟不受
賀九月自丙戌朔獵于黑山赤山至于月終冬十月乙丑
殺酒人粹你十一月辛卯殺近侍廷壽壬辰殺豕人阿不

札曷魯木里者涅里括庚子司天臺奏月當食不虧上以
爲祥歡飲逕旦壬寅殺鹿人唐果直哥撒刺十二月辛未
手殺獲食人海里復變之是冬駐蹕黑河平淀

十八年春正月乙酉朔宴于宮中不受賀己亥觀燈于市
以銀百兩市酒命群臣亦市酒縱飲三夕二月乙卯幸五
坊使霞實里家宴飲達旦三月甲申朔如潢河乙酉獲鴛
鴒祭天地造大酒器刻爲鹿文名曰鹿甌貯酒以祭天庚
戌殺鶻人胡特魯近侍化葛及監囚海里仍劉海里之尸
夏四月癸丑殺燕人抄里只己巳詔左右從班有材器幹
局者不次擢用老老者增俸以休于家五月丁亥重五以

被酒不受賀壬辰獲鵝于述古水野飲終夜丁酉與政事
令蕭排押南京留守高勳太師昭古劉承訓等酣飲連日
夜己亥殺鹿人頗德臈哥陶瑰札不哥蘇古涅離保彌古
特敵魯等六月丙辰殺彘人屯奴己未爲殿前都點檢夷
臈葛置神帳曲赦京畿囚甲戌捷烈於鷓窠中得牝犬來
進是夏清暑裏潭秋七月辛丑漢主承鈞殂子繼元立來
告遣使弔祭九月戊子殺詳穩八刺拽刺痕篤等四人己
丑登小山祭天地戊戌知宋欲襲河東諭西南面都統南
院大王捷烈豫爲之備己亥獵熊以喚鹿人鋪姑并掖庭
戶賜夷臈葛甲辰以夷臈葛兼政事令仍以黑山東抹真
之地數十里賜之以女瓊爲近侍女直詳穩曼陌爲本部
夷离董是秋獵于西京諸山冬十月辛亥朔宋圍太原詔
捷烈爲兵馬總管發諸道兵救之十一月癸卯冬至被酒
不受賀十二月丁丑殺酒人搭烈葛是冬駐蹕黑山東川
十九年春正月己卯朔宴宮中不受賀己丑立春被酒命
殿前都點檢夷臈葛代行擊土牛禮甲午與群臣爲葉格
戲戊戌醉中驟加左右官乙巳詔太尉化哥曰朕醉中處
事有乖無得曲從酒解可覆奏自立春飲至月終不聽政
三月甲寅漢劉繼元嗣立遣使乞封冊辛酉遣韓知範冊
爲皇帝癸亥殺前導未及益刺劉其屍棄之甲子漢遣使

進白鹿已巳如懷州獵獲熊歡飲方醉馳還行宮是夜近侍小哥盪人花哥庖人辛古等六人反帝遇弒年三十九廟號穆宗後附葬懷陵重熙二十一年謚曰孝安敬正皇帝

贊曰穆宗在位十八年知女巫妖妄見誅諭臣下濫刑切諫非不明也而荒耽于酒畋獵無厭偵鵝失期加炮烙鐵梳之刑獲鳴甚歡除鷹坊刺面之令賞罰無章朝政不視而嗜殺不已變起肘腋宜哉

本紀第七

本紀第八

遼史八

開府儀同三司上柱國錄軍國重事中書右丞相監修國史領經筵事都總裁臣脫脫奉

勅修

景宗一

景宗孝成康靖皇帝諱賢字賢寧小字明辰世宗皇帝第二子母曰懷節皇后蕭氏察割之亂帝甫四歲穆宗即位養永興宮既長穆宗酗酒怠政帝一日與韓匡嗣語及時事耶律賢適止之帝悟不復言應曆十九年二月戊辰入見穆宗曰吾兒已成人可付以政已巳穆宗遇弒帝率飛龍使女里侍中蕭思溫南院樞密使高勳率甲騎千人馳

赴黎明至行在哭之慟群臣勸進遂即皇帝位於柩前百
官上尊號曰天贊皇帝大赦改元保寧以殿前都點檢耶
律夷臘右皮室詳穩蕭烏里只宿衛不嚴斬之三月丙戌
入上京以蕭思溫爲北院樞密使太平王罽撒葛亡入沙
沱已丑夷离畢粘木衮以陰附罽撒葛伏誅癸巳罽撒葛
入朝甲午以北院樞密使蕭思溫兼北府宰相己亥南院
樞密使高勳封秦王夏四月戊申朔進封太平王罽撒葛
爲齊王改封趙王喜隱爲宋王封隆先爲平王稍爲吳王
道隱爲蜀王必攝爲越王敵烈爲冀王宛爲衛王五月戊
寅立貴妃蕭氏爲皇后丙申朔射柳祈雨有司請以帝生

日爲天清節從之壬寅漢遣李匡弼劉繼文李元素等來

賀冬十月東幸張潭十一月甲辰朔行柴冊禮祠木葉山
駐蹕鶴谷乙巳蕭思溫封魏王北院大王屋質加于越

二年春正月丁未如潢河夏四月辛東京致奠于讓國皇
帝及世宗廟五月癸丑西幸乙卯次盤道嶺盜殺北院樞
密使蕭思溫六月還上京秋七月以右皮室詳穩賢適爲
北院樞密使九月辛丑得國舅蕭海只及海里殺蕭思溫
狀皆伏誅流其弟神觀于黃龍府十二月庚午漢遣使來
貢

三年春正月甲寅右夷离畢奚底遣人獻敵烈俘詔賜有

功將士庚申置登聞鼓院辛酉南京統軍使魏國公韓匡
美封鄴王二月癸酉東幸壬午遣鐸遏使阿薩簡回鶻已
丑以青牛白馬祭天地三月丁未以飛龍使女里爲契丹
行宮都部署夏四月丁卯世宗妃啜里及蒲哥厭魅賜死
已卯祠木葉山行再生禮丙戌至自東幸戊子蕭神觀伏
誅六月丙子漢遣使問起居自是繼月而至丁丑回鶻遣
使來貢秋七月辛丑以北院樞密使賢適爲西北路招討
使八月甲戌如秋山辛卯祭皇兄吼墓追冊爲皇太子謚
莊聖九月乙巳賜傅父侍中達里迭太保楚補太保婆兒
保母回室押雅等戶口牛羊有差又以潛邸給使者爲據
馬部置官堂之壬子幸歸化州甲寅如南京冬十月己巳
以黑白羊祀神癸未漢遣使來貢丙戌鼻骨德吐谷渾來
貢十一月庚子臚胸河于越延尼里等率戶四百五十來
附乞隸宮籍詔留其戶分隸敦睦積慶永興三宮優賜遣
之十二月癸酉以青牛白馬祭天地已丑皇子隆緒生是

冬駐蹕金川

四年春二月癸亥漢以皇子生遣使來賀閏月戊申齊王
番撒葛魯三月庚申朔追冊爲皇太叔夏四月庚寅朔追
封蕭思溫爲楚國王是夏駐蹕冰井秋七月如雲州丁丑
鼻骨德來貢冬十月丁亥朔如南京十二月甲午詔內外

官上封事

五年春正月甲子惕隱休哥伐党項破之以俘獲之數來
上漢遣使來貢庚午御五鳳樓觀燈二月丁亥近侍實魯
里誤觸神蘇法論死杖釋之壬辰越王必攝獻党項俘獲
之數戊申以青牛白馬祭天地辛亥幸新城三月乙卯朔
復幸新城追封皇祖母胡母里為韓王贈伯胡魯古兼政
事令尼古只兼侍中夏四月丙申白氣晝見五月癸亥干
越屋質靈輟朝三日辛未文直侵邊殺都監達里迭機刺
斡里魯驅掠邊民牛馬己卯阿薩蘭回鶻來貢六月庚寅
女直丞相及夷离董來朝丙申漢遣人以宋事來告秋七
月庚辰以保大軍節度使耶律斜里底為中臺省左相是
月駐蹕燕子城九月壬子鼻骨德部長曷魯撻覽來貢冬
十月丁酉如南京十一月辛亥朔始獲應曆逆黨近侍小
哥花哥辛古等誅之十二月戊戌漢將改元遣使稟命是
月如歸化州

六年春正月癸未幸南京三月宋遣使請和以涿州刺史
耶律昌朮加侍中與宋議和夏四月宋主喜隱坐謀及廢
秋七月丁未朔閣門使酌古加檢校太尉兼御史大夫男
海里以告喜隱事遙授隴州防禦使庚申獵于平地松林
冬十月乙亥朔還上京十二月戊子以沙門昭敏為三京

訪道僧尼都總管加兼侍中

七年春正月甲戌朔宋遣使來賀壬寅望祠木葉山二月
癸亥漢鴈門節度使劉繼文來朝貢方物丙寅以青牛白
馬祭天地三月壬午耶律速撒等獻党項俘分賜群臣夏
四月遣郎君知思使宋己酉祠木葉山辛亥射柳祈雨如
頻蹕淀清暑五月丙戌祭神姑秋七月黃龍府衛將燕頗
殺都監張砮以叛遣敵史耶律曷思討之九月敗燕頗
於治河遣其弟安搏追之燕頗走保兀惹城安搏乃還以
餘黨千餘戶城通州是秋至自頻蹕淀冬十月鈞魚土河
八年春正月癸酉遣使來聘二月壬寅諭史館學士書

皇后言亦稱朕暨予著爲定式三月辛未遣五使廉問四
方鰥寡孤獨及貧乏失職者振之夏六月以西南面招討
使耶律斜軫爲北院大王秋七月丙寅朔寧王只沒妻安
只伏誅只沒高勳等除名辛未宋遣使來賀天清節八月
癸卯漢遣使言天清節設無遮會飯僧祝釐于未如秋山
己酉漢以宋事來告是月女直侵貴德州東境九月己巳
謁懷陵辛未東京統軍使察鄰詳穩涸奏女直襲歸州五
寨剽掠而去乙亥鼻骨德來貢壬午漢爲宋人所侵遣使
求援命南府宰相耶律沙冀王敵烈赴之戊子漢以宋師
壓境遣駙馬都尉盧俊來告冬十月辛丑漢以遼師退宋

軍夾謝十一月丙子宋主匡胤殂其弟吳自立遣使來告
辛卯遣郎君王六捷馬涅木古等使宋弔慰十二月壬寅
遣蕭只古馬哲賀宋即位丁未漢以宋軍復至掠其軍儲
來告且乞賜糧為助戊午詔南京復禮部貢院是月
斯國遣使來貢

本紀第八

本紀第九

清史九

開府儀同三司在國帶國軍事中書長相兼領經筵事都總裁臣脫勝奉

勅修

景宗二

九年春正月丙寅女直遣使來貢二月庚子宋遣使致其
先帝遺物甲寅以青牛白馬祭天地三月癸亥耶律沙敵
烈獻援漢之役所獲宋俘戊辰詔以粟二十萬斛助漢五
月庚午漢遣使來謝且以宋事來告己丑女直二十一人
來請宰相夷离董之職以次授之六月丙辰以宋王喜隱
為西南面招討使秋七月庚申朔回鶻遣使來貢中子宋

遣使來聘壬申漢以宋侵來告丙子遣使助漢戰馬八月
灌遣使進葡萄酒冬十月甲子耶律沙以党項降酋可醜
買友來見賜詔撫諭丁卯以可醜爲司徒買友爲太保各
賜物遣之壬申女直遣使來貢乙酉漢復遣使以宋事來
告十一月丁亥朔司天奏曰當食不虧戊戌吐谷渾叛入
太原者四百餘戶索而還之癸卯祠木葉山乙巳遣太保
迭烈割等使宋乙卯漢復遣使以宋事來告十二月戊辰
獵于近郊以所獲祭天

十年春正月癸丑如長樂二月庚午阿薩蘭回鶻來貢三
月庚寅祭顯陵夏四月丁卯西幸己巳女直遣使來貢五
月癸卯賜女里死遣人誅高勳等六月己未駐蹕泂柳湖
秋七月庚戌享太祖廟九月癸未平王隆先子陳哥謀害
其父車裂以徇是冬駐蹕金川

乾亨元年春正月乙酉遣撻馬長壽使宋問興師伐劉繼
元之故丙申長壽還言河東逆命所當問罪若北朝不援
和約如舊不然則戰二月丁卯漢以宋兵壓境遣使乞援
詔南府宰相耶律沙爲都統冀王敵烈爲監軍赴之又命
南院大王斜軫以所部從樞密副使抹只督之三月辛巳
速撒遣人以別部化哥等降納之丙戌漢遣使謝撫諭軍
民詔北院大王奚底乙室王撒合等以兵戍燕己丑漢復

告宋兵入境詔左千牛衛大將軍韓侂大同軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利龔王敵烈及突呂不部節度使都敏黃皮室詳穩唐答皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月己卯宋兵至河東漢與戰不利劉繼文盧俊來奔六月劉繼元降宋漢亡甲子封劉繼文爲彭城郡王盧俊同政事門下平章事宋主來侵丁卯北院大王奚底統軍使蕭討古乙室王撒合擊之戰于沙河失利己巳宋主圍南京丁丑詔諭耶律沙及奚底討古等軍中事宜秋七

月癸未沙等及宋兵戰于高粱河少却休哥斜軫橫擊大敗之宋王僅以身免至涿州竊乘驢車遁去甲申擊宋餘軍所殺甚衆獲兵仗器甲符印糧饋貨幣不可勝計辛丑耶律沙遣人上俘獲以權知南京留守事韓德讓權南京馬步軍都指揮使耶律學古知三司事劉弘皆能安人心捍城池並賜詔褒獎八月壬子阻卜惕隱曷魯夷离董阿里覲等來朝乙丑耶律沙等獻俘丙寅以白馬之役責沙抹只復以走宋主功釋之奚底遇敵而退以劔背擊手之撒合雖却部伍不亂宥之龔王敵烈麾下先道者斬之都監以下杖之壬申宴沙抹只等將校賜物有差九月己卯燕

王韓匡嗣爲都統南府宰相耶律沙爲監軍惕隱休哥南院大王斜軫權奚王抹只等各率所部兵南伐仍命大同軍節度使善補領山西兵分道以進冬十月乙丑韓匡嗣與宋兵戰於滿城敗績辛未太保矧思與宋兵戰於火山敗之乙亥詔數韓匡嗣五罪赦之十一月戊寅宴賞休哥及有功將校乙未南院樞密使兼政事令郭襲上書諫敗獵嘉納之辛丑冬至赦改元乾亨十二月乙卯燕王韓匡嗣遙授晉昌軍節度使降封秦王壬戌蜀王道隱南京留守徙封荆王是冬駐蹕南京

二年春正月丙子朔封皇子隆緒爲梁王隆慶爲恒王丁亥以惕隱休哥爲北院大王前樞密使賢適封西平郡王二月戊辰如清河三月丁亥西南面招討副使耶律王六尉化哥遣人獻党項俘閏月庚午有鴉飛止御帳獲以祭天夏四月庚辰祈雨戊子清暑燕子城五月雷火乾陵松六月己亥喜隱復謀反囚于祖州秋七月戊午王六等獻党項俘八月戊戌東幸冬十月辛未朔命巫者祠天地及兵神辛巳將南伐祭旗鼓癸未次南京丁亥獲敵人射鬼箭庚寅次固安以青牛白馬祭天地己亥圍瓦橋關十一月庚子朔宋兵夜襲營突呂不部節度使蕭幹及四捷軍誑穩耶律痕德戰却之壬寅休哥敗宋兵於瓦橋東守

將張師引兵出戰休哥奮擊敗之戊申宋兵陣於水南休哥涉水擊破之追至莫州殺傷甚衆己酉宋兵復來擊之殆盡丙辰班師乙丑還次南京十二月庚午朔休哥拜于越大饗軍士

三年春二月丙子東幸己丑復幸南京三月乙卯皇子韓八卒辛酉葬黃土二河之間置永州以秦王韓匡嗣爲西南面招討使五月丙午上京漢軍亂劫立喜隱不克僞立其子留禮壽上京留守除室擒之秋七月甲子留禮壽伏誅冬十月如蒲瑰坡十一月辛亥加除室同政事門下平章事是月以南院樞密使郭襲爲武定軍節度使十二月以遼興軍節度使韓德讓爲南院樞密使

四年春正月己亥如華林天柱三月乙未清明與諸王大臣較射宴飲夏四月自將南伐至滿城戰不利守太尉奚瓦里中流矢死統軍使善補爲沃兵所圍樞密使斜軫救免詔以失備杖之五月班師清暑燕子城秋七月壬辰遣使賜喜隱死八月如西京九月庚子幸雲州甲辰獵于祥古山帝不豫壬子次焦山崩於行在年三十五在位十三年遺詔梁王隆緒嗣位軍國大事聽皇后命統和元年正月壬戌上尊謚孝成皇帝廟號景宗重熙二十一年加謚孝成康靖皇帝

贊皇與六十餘年神冊會同之間日不暇給天祿應曆之君不令其終保寧而來人人望治以景宗之資任人不疑信賞必罰若可與有為也而竭國之力以助河東被軍殺將無救滅亡雖一取償於宋得不償失知匡嗣之罪數而不罰善郭襲之諫納而不用沙門昭敏以左道亂德以侍中不亦惑乎

本紀第九

本紀第十

遼史十

勅修

聖宗一

聖宗 武大

宣皇帝諱隆緒小字文殊如景宗皇帝長

子母 睿智白

后蕭氏帝幼喜書翰十歲能詩既長精射

法遠 律好繪畫乾亨二年封梁王四年九月壬子景宗

崩於丑即皇帝位於柩前時年十二皇后奉遺詔攝政詔

諭諸道冬十月己未 始臨朝辛酉群臣上尊號曰昭

望皇帝尊皇太后為皇太后大赦以南院大王勃古哲總領

開府 尚書上柱國錄軍國軍事中書丞相修國史總領諸事勅修五統既未

山西諸州事北院大王于越休哥爲南面行軍都統奚王
和副之同政事門下平章事蕭道寧領本部軍駐南
京之丑如顯州十一月甲午置乾州十二月戊午朔耶律速
撒討阻卜辛酉南京留守荆王道隱奏宋遣使獻犀帶請
和詔以無書却之甲子撻刺干乃五十醉言宮掖事法當
死杖而釋之辛未南面招討使秦王韓匡嗣薨祭酉奉大
行皇帝梓宮于葦塗殿庚辰省置中臺省宮

統和元年春正月戊午朔以大行在殯不受朝乙丑奉遺
詔召先帝庶兄質睦于葦塗殿前復封寧王加宰相室財
宣徽使普領等息丙寅荆王道隱有疾詔遣使存問是日

皇太后率其邸視疾戊辰以烏隈烏骨里部節度使耶律
章等同政事門下平章事甲戌荆王道隱薨輟朝三日追
封晉王遣使撫慰其家西子以于越休哥爲南京留守仍
賜南面行營總管印綬總邊事渤海撻馬解里以受先帝
厚息乞殉葬詔不許賜物以旌之戊寅遣使賜于越休哥
及奚王籌寧統軍使頗德等湯藥命懇篤持送休哥下車
賜以諭燕民辛巳速撒獻阻卜俘壬午涿州刺史安吉奏
宋築城河北詔留守于越休哥撓之勿令就功趙妃及公
主胡骨典奚王籌寧宰相安寧北大王普奴寧惕隱屈烈
吳王稍寧王只沒與橫帳國舅契丹漢宮等並進助山陵

費癸未齊國公主率內外命婦進物如之甲中西南面招
討使韓德威奏党項十五部侵邊以兵擊破之乙酉以速
撒破阻卜下詔褒美仍諭與大漢討党項諸部丁亥樞密
使蕪政事令宰貳以年老請解蕪職詔不允二月戊子朔
禁所在官吏軍民不得無故聚衆私語及冒禁夜行違者
坐之己丑南京奏聞宋多聚糧邊境及宋主將如臺山詔
休哥嚴爲之備甲午葬景宗皇帝於乾陵以近幸朗掌飲
伶人撻魯爲殉上與皇太后因爲書附上大行丙申皇太
后詣陵置奠命繪近臣於御容殿賜山陵工人物有差
予以先帝遺物賜皇族及近臣辛丑南京統軍使耶律善
補養宋邊七十餘村來附詔撫存之乙巳以御容殿爲王
殿酒谷爲聖谷速撒奏討党項捷遣使慰勞戊申以楊隱
化哥爲北院大王鮮領爲南府宰相辛亥幸聖山遂謁三
陵甲寅以皇女長壽公主下嫁國舅宰相蕭婆項之子兵
留三月戊午天德軍節度使類剌父子戰歿以其弟涅離
襲爵己未次獨山遣使賞西南面有功將士辛酉以大父
帳太尉耶律曷魯寧爲楊隱甲子駐蹕遼河之平淀辛巳
以國舅同平章事蕭道寧爲遼興軍節度使仍賜號忠亮
佐理功臣壬午以青牛白馬祭天地夏四月丙戌朔幸東
京以樞密副使耶律末只兼侍中爲東京留守庚寅謁太

在廟癸巳詔賜物命婦寡居者丙申南幸辛丑謁三陵以
東京所進物分賜陵寢官吏復詔賜西南路招討使大漢
劍不用命者得專殺壬寅致享于熒神殿癸卯謁乾陵乙
巳遣人以酒脯祭平章耶律河陽墓庚戌幸夫人烏骨里
第謁太祖御容禮畢幸公主胡古典第飲賜與甚厚壬子
大臣以太后預政宜有尊號請下有司詳定冊禮詔樞密
院諭必遵節將至行禮日止遣子弟奉表稱賀恐失邊備
樞密請詔北府司徒頗德譯南京所進律文從之遂如徽
州以耶律慶郎爲信州節度使五月丙辰朔國舅政事門
下平章事蕭道寧以皇太后慶壽請歸父母家行禮而齊

國公主及命婦群臣各進物設宴賜國舅帳者年物有差
壬戌西南路招討請益兵討西突厥諸部詔北王府耶律
蒲奴寧以敵畢迭烈二部兵赴之癸亥以于越休哥在南
院過用吏人詔南大王母相循襲庚午耶律善補招亡入
宋者得千餘立歸國詔令撫慰辛未次永州祭王子藥師
奴墓乙亥詔近臣議皇太后上尊號冊禮樞密使韓德度
以後漢太后臨朝故事草定上之丙子以青牛白馬祭天
地戊寅幸木葉山西南路招討使大漢奏近遣拽刺跋刺
哥諭党項諸部來者甚衆下詔褒美六月乙酉朔詔有司
冊皇太后日給三品以上法服三品以下用大射御之服

西南路招討使奏党項酋長執夷离董三隈引等乞內附
詔撫納之仍察其誠偽謹邊備正成還上京已丑右司奏
同政事門下平章事駙馬都尉盧俊與公主不協詔離之
遂出後爲興國軍節度使辛卯有事于太廟甲午上率群
臣上皇太后尊號曰承天皇帝太后羣臣上皇帝尊號曰天
輔皇帝大赦改元統和丁未覃恩中外文武官各進爵一
級以樞密副使耶律斜軫守司徒秋七月甲寅崩皇太后
聽政乙卯上親錄囚王子司徒婁國坐稱疾不赴山陵答
二十辛酉行再生禮祭酉臨潢尹褒袞進飲饌上與諸王
分朋擊鞠丙子韓德威遣詳穩轄馬上破党項俘獲數千

送夷离董之子來獻辛巳賞西南面有功將士八月戊子
上西巡己丑謁祖陵辛卯皇太后祭楚國王蕭思溫墓癸
巳上與皇太后謁懷陵遂幸懷州甲午上與斜軫於太后
前易弓矢鞞馬約以爲友己亥獵赤山遣使薦熊肪鹿脯
于乾陵之疑神殿以政事令孫禎無子詔回舅小翁帳郎
君挑隈爲之後乙巳詔于越休哥提點元城壬子韓德威
表請伐党項之後叛者詔許之仍發別部兵數千以助之
九月癸丑朔以東京平州旱蝗詔振之乙卯謁永興長寧
敦睦三宮丙辰南京留守奏秋霖害稼請權停關征以通
山西糴易從之庚申謁宣簡皇帝廟辛酉幸祖州謁祖陵

士戍還上京辛未有司請以帝生日爲千齡節從之皇太后言故干越屋只有傳導功宜錄其子孫遂命其子泮泮爲林牙丙子如老翁川冬十月癸未朔司天奏老人星見戊子以公主淑哥下嫁國舅詳穩照姑癸巳速撒奏敵烈部及叛蕃來降悉復故地乙未以燕京留守于越休哥言每歲諸節度使貢獻如契丹官例止進鞍馬從之丁酉以吳王稍爲上京留守行臨潢尹事上將征高麗親閱東京留守耶律末斤所總兵馬丙午命宣徽使兼侍中蒲領林牙肯德等將兵東討賜旗鼓及銀符十一月壬子朔觀漁捷馬濼癸丑應州奏獲宋謀者言宋除道五臺山將入靈

互界詔謀者及居停人並磔于市庚辰上與皇太后祭陵陵下詔諭三京左右相左右平章事副留守判官諸道節度使判官諸軍事判官錄事參軍等當執公方毋得阿順諸縣令佐如遇州官及朝使非理徵求毋或畏徇恒加采聽以爲殿最民間有父母在別籍異居者聽鄰里覺愛坐之有孝于父母三世同居者旌其門閭十二月壬午朔謁凝神殿遣使分祭諸陵賜守殿官屬酒是日幸顯州丁亥以顯州歲貢綾錦分賜左右甲午東幸己亥皇太后觀漁于玉盆灣辛丑觀漁于濬淵甲辰勅諸刑辟已結正決遣有寃者聽詣臺訴是夕然萬魚燈于雙溪戊申千齡節

祭日月禮畢百僚稱賀

二年春正月甲子如長樂二月癸巳國舅帳彰德軍節度使蕭闡覽來朝甲午賜將軍耶律敵不春衣束帶丙申東路行軍宣徽使蕭蒲寧奏討女直捷遣使執手獎諭庚子朝皇太后太后因從觀獵于饒樂川乙巳五國烏隈于厥節度使耶律隗注以所轄諸部難治乞賜詔給劔便宜行事從之丙午上與諸王大臣較射丁未韓德威以征党項迴遂襲河東獻所俘賜詔褒美二月乙卯劃離部請今後詳穩止從本部選授然宜上曰諸部官惟在得人豈得定以所部爲限不允贈故同平章事趙延煦兼侍中夏四月

丁亥宣徽使同平章事耶律普寧都監蕭勤德獻征女直捷授普寧兼政事令勤德神武衛大將軍各賜金器諸物夏寅皇太后臨决滯獄辛卯祭風伯壬辰以宣徽南院使劉承規爲承德軍節度使崇德宮都部署保義軍節度使張德筠爲宣徽北院使五月乙卯祠木葉山丁丑駐蹕沁柳湖六月己卯朔皇太后决獄至月終秋七月癸丑皇太后行再生禮八月辛卯東京留守兼侍中耶律末只奏女直求不直賽里等八族乞舉衆內附詔納之九月戊申朔駐蹕土河辛未以景宗忌日詔諸道京鎮遣官行香飯僧冬十月丁丑朔以歸化州刺史耶律普寧爲彰德軍節度

使右武衛大將軍韓倬爲彰國軍節度使兼侍衛親軍兵
馬都指揮使冬十一月壬子以樞密直學士給事中鄭振爲
儒州刺史是月速撒等討阻卜殺其酋長撻刺于十二月
辛丑以翰林學士承旨馬得臣爲宣政殿學士耶律頌德
南京統軍使耶律瑤昇大內惕隱大仁靖東京中臺省右
平章事

三年春正月丙午朔如長樂丁巳以翰林學士邢抱朴爲
尚書禮部侍郎知制誥左拾遺知制誥劉景吏部郎中知
制誥牛藏用並政事告人二月丙子朔以牛藏用知樞密
直學士三月乙巳朔樞密奏契丹諸役戶多困乏請以寬

戶代之上因閱諸部籍涅刺烏隈一部戶少而役重并量
免之夏四月乙亥朔祠木葉山壬午以鳳州刺史趙匡符
爲保靜軍節度使癸未以左監門衛大將軍王庭勗爲奉
先軍節度使彰武軍節度使韓德疑爲崇義軍節度使五
月壬子還上京癸酉以國舅蕭道寧同平章事知潘州軍
州事六月甲戌如栢坡皇太后親決滯獄乙亥以歸義軍
節度使王希巖爲興國軍節度使秋七月甲辰朔詔諸道
繕甲兵以備東征高麗甲寅東華甲子遣郎石班高賜秦
王韓匡嗣葬物丙寅駐蹕土河以暴漲命造船橋明日乘
步輦出聽政老人星見丁卯遣使閱東京諸軍兵器及東

征道路以平章事蕭道寧爲昭德軍節度使武定軍節度使守司空兼政事令郭襲爲天平軍節度使大同軍節度使守太子太師兼政事令劉延構爲義成軍節度使贈尚父秦王韓匡嗣尚書令八月癸酉朔以遼澤沮洳罷征高麗命樞密使耶律斜軫爲都統駙馬都尉蕭巖德爲監軍以兵討女直丁丑次橐城庚辰至顯州謁凝神殿辛巳幸乾州觀新宮癸未謁乾陵甲申命南北面臣僚分巡山陵林木及令乾顯二州二所部里社之數丙戌北皮室詳穩進勇敢士七人戊子故南院大王諧領已里婉妻蕭氏奏夫死不能葬詔有司助之庚寅東征都統所奏路尚陷濼未可進討詔俟澤涸深入癸巳皇太后謁顯陵庚子謁乾陵辛丑西幸閏九月癸酉命邢抱朴勾檢顯陵丙子行次海上庚辰重九駱駝山登高賜群臣菊花酒辛巳詔諭東征將帥乘水涸進討丙申女直宰相朮不里來貢戊戌駐蹕東古山己亥速撒奏朮不姑諸部至近淀夷裔董易魯姑請行俘掠上曰諸部於國無惡何故俘掠徒生事耳不允冬十月甲戌詔吳王稍領秦王韓匡嗣葬祭事丁丑詔以東北路兵馬監軍妻婆底里存撫邊民戊寅賜公主胡骨典葬夫金帛工匠辛卯以韓德讓兼政事令癸巳禁行在市易布帛不中尺度者丙申東征女直都統蕭闡曉等

奴以行軍所經地里物產來上

遼史十一

本紀第十一

遼史十一

開府儀同三司柱國錄軍國重事書丞相監修國史領經筵事

勅修

聖宗二

四年春正月甲戌觀漁土河林牙耶律謀魯姑彰德軍節度使蕭闡覽上東征俘獲賜詔將諭丙子樞密使耶律斜軫林牙勤德等上討女直所獲生口十餘萬馬二十餘萬及諸物已卯朝皇太后決滯訟壬午樞密使斜軫林牙勤德謀魯姑節度使闡覽統軍使室羅侍中抹只奚王府監軍迪烈與安吉等克女直還軍遣近侍泥里吉詔旌其功

卷之十一

仍執手撫諭賜酒果勞之甲午幸三灤二月壬寅以四番
都統軍李繼忠為檢校司徒上柱國兼節度使李繼遷叛宋
來降以為定難軍節度使銀夏饒宥等州觀察處置等使
特進檢校太師都督夏州諸軍事西蕃酋帥瓦泥乞移為保
大軍節度使廊坊等州觀察處置寺使甲寅耶律斜軫
蕭闥覽謀魯姑等族帥來朝行飲至之禮賞賚有差丙
寅行次裏里井三月甲戌于越休哥奏宋遣曹彬崔彥進
米信由雄州道田重進飛狐道潘美楊繼業鴈門道來侵
收溝涿州固安新城皆陷詔宣徽使蒲頌馳赴燕南與休
哥議軍事分遣使者徵諸部兵益休哥以擊之復遣東京

留守耶律抹只以大軍繼進賜劔專殺乙亥以親征告陵
廟山川丙子統軍使耶律頗德敗宋軍于固安休哥絕其
糧餉擒將吏獲馬牛器仗甚眾庚辰襄州刺史趙彥章以
城叛附于宋辛巳宋兵入涿州義順軍節度副使趙希贊
以朔州叛附于宋時上與皇太后駐兵馳羅口詔趣東征
兵馬以為應援壬午詔林牙勤德以兵守平州之海岸以
備宋仍報平州節度使迪里姑若勤德未至遣人趣行馬
之則括民馬鎧甲闕則取於顯州之甲坊癸未遼軍與宋
田重進戰于飛狐不利冀州防禦使大鵬翼康州刺史馬
贊馬軍指揮使何萬通陷烏丁亥以北院樞密使耶律斜

軫爲山西兵馬都統以北院宣徽使蒲領馬南征都統以副于越休哥彰國軍節度使艾正觀察判官宋雄以應州叛附于宋庚寅遣飛龍使亞刺文班吏亞達哥閱馬以給先發諸軍詔駙馬都尉蕭繼遠領之辛卯武定軍馬步軍都指揮使鄧州防禦使呂行德副都指揮使張繼從馬軍都指揮使劉知進等以飛狐叛附于宋癸巳賜林牙謀魯姑旗鼓四劍一率禁軍之驍銳者南助休哥丙申步軍都指揮使穆超以靈丘叛附于宋詔遣使賜樞密使斜軫密旨及彰國軍節度使杓窰印以趣征討夏四月己亥朔次南京北郊庚子惕隱瑤昇西南面招討使韓德威以捷報辛

丑宋潘美陷雲州壬寅遣抹只謀魯姑勤德等領偏師以助休哥仍賜旗鼓杓窰印撫諭將校癸卯休哥復以捷報上以酒脯祭天地率群臣賀于皇太后詔勤德還軍丙午頗德上所獲鎧仗數戊申監軍宣徽使蒲領奏敵軍引退而奚王訶寧北大王蒲奴寧統軍使頗德等以兵追躡皆勝之遣散吏勤德持詔褒美及詔待中抹只統諸軍赴行在所頗不部節度使和盧觀黃皮室詳穩解里等各上所獲兵甲又詔兩部突騎赴蔚州以助閱覽橫帳郎君老君奴率諸郎君巡徼居庸之北將軍化哥統平州兵馬橫帳郎君奴哥爲黃皮室都監郎君謁里爲北府都監各以步

兵赴蔚州以助斜軫庚戌以斜軫爲諸路兵馬都統闡覽
兵馬副部署迪子都監以代善補韓德威癸丑以父正趙
希贊及應州朔州節度副使奚軍小校隘離轄渤海小校
貫海等叛入于宋籍其家屬分賜有功將校宋將曹彬米
信北渡拒馬河與于越休哥對壘挑戰南北列營長六七
里時上次涿州東五十里甲寅詔于越休哥奚王等寧宣
徽使蒲領南北二王等嚴備水道無使敵兵得潛至涿州
乙卯休哥等敗宋軍獻所獲器甲貨財賜詔褒美蔚州左
右都押衙李存璋許彥欽等殺節度使蕭啜里執監城使
銅州節度使耿紹忠以城叛附于宋丙辰復涿州告天地戊
午上次沙姑河之北淀召林牙勤德議軍事諸將校各以
所俘獲來上奚王壽寧南北二王率所部將校來朝以近
侍粘米里所進自落鷄祭天地己未休哥蒲領來朝詔三
司給軍前夏衣布庚申上朝皇太后辛酉大軍次固安壬
戌圍固安城統軍使頗德先登城遂破大蹤俘獲居民先
被俘者命以官物贖之甲子賞攻城將士有差五月庚午
遼師與曹彬米信戰于岐溝關大敗之追至拒馬河溺死
者不可勝紀餘衆奔高陽又爲遼師衝殺死者數萬棄戈
甲若丘陵輓漕數萬人匿岐溝空城中圍之壬申以皇太
后生辰縱還癸酉班師還次新城休哥蒲領奏宋兵奔逃

者皆殺之甲戌以軍捷遣使分諭諸路京鎮丁丑詔諸將
校論功行賞無有不實已卯次固安南以青牛白馬祭天
地庚辰以所俘宋人射鬼箭詔遣詳穩排亞率弘義宮兵
及南北皮室郎君拽刺四軍赴應朔二州界與惕隱瑤昇
招討韓德威等同禦宋兵在山西之未退者辛巳以瑤昇
軍赴崑壬午還次南京癸未休哥籌寧蒲奴寧進俘獲科
軫遣判官蒲姑奏復蔚州斬首一萬餘級乘勝攻下靈飛
狐賜蒲姑酒及銀器丙戌御元和殿大宴從軍將校封休
哥為宋國王加蒲領籌寧蒲奴寧及諸有功將校爵賞有
差丁亥發南京詔休哥備器留儲粟待秋大舉南征戊子

斜軫奏宋軍復圍蔚州擊破之詔以兵殺瑤昇韓德威等
壬辰以宋兵至平州瑤昇韓德威等皆殺詔詰責仍
諭據城未降者必盡掩殺無使遁逃癸巳以軍前降卒分
賜廩從乙未賞賴德諸將校士卒六月戊戌朔詔韓德威
赴闕加統軍韓德檢校太師甲辰詔南京留守休哥遣
礮手下韓斜軫已以夷高畢姪里古部送輜重行宮暑
行日里人馬疲乏遣使讓之丁未度居庸關壬子南
京留守奏百姓獻輸三司鹽鐵錢折絹不如直詔增之甲
寅斜軫奏復寧州乙卯夏太后諸王公主迎上嶺表設御
帳道傍置景宗御容率從臣進酒陳俘獲于前遂大宴戊

午幸涼陘以所俘分賜皇族及乳母已未聞所遣宣諭回
鵬數列等國度里亞里等爲木不姑邀留詔速撒賜木不
宣諭以朝廷來遠之音使者由是乃得行癸亥以節
度使韓毗哥翰林學士邢抱朴等充雲州宣諭招撫使天
寅以太尉王八所俘生口分賜趙妃及于越迪輦乙里婉秋
七月丙子樞密使斜軫溥侍御涅里底幹勤哥奏復朔州
擒宋將楊繼業及上所獲將校印綬誥勅賜涅里底等酒
及銀器辛巳以捷告天地以采歸命者二百四十人分賜
從臣又以殺敵多詔上京開龍寺建佛事一月僧飯萬人
辛卯斜軫奏大軍至蔚州營于州左得謀報敵兵且至乃
設伏以待敵至縱兵逆擊追奔逐北至飛狐口遂乘勝鼓
行而西入寰州殺守城吏卒千餘人宋將楊繼業初以驍
勇自負號楊無敵北據雲朔數州至是引兵南出朔州三
十里至狼牙村惡其名不進左右固請乃行遇斜軫伏四
起中流矢墮馬被擒瘡發不食三日死遂函其首以獻詔
詳穩轄交室傳其首于越休哥以示諸軍仍以朔州之捷
宣諭南京平州將吏自是宋守雲應諸州者聞繼業死皆
棄城遁八月丁酉置先離闡覽官六員領于骨里女直迪
烈于等諸部人之隸官籍者以北大王蒲奴寧爲山後五
州都管乙巳韓德讓奏宋兵所掠州郡其逃民未稼宜募

人收獲以其半給收者從之乙卯斜軫還自軍獻俘已未
用室昉韓德讓言復山西今年租賦詔第山西諸將校功
過而賞罰之乙室帳宰相安寧以功過相當追告身一通諦
居部節度使佛奴答五十惕隱瑤昇拽刺欽烈朔州節度
使慎思應州節度使骨只雲州節度使化哥軍校李元迪
蔚州節度使佛留都監崔其劉繼琛皆以聞敵逃遁奪官
配烈仍配隸本貫領國舅軍主六答五十壬戌以斜軫所
部將校前破女直後有宋捷第功加賞癸亥加斜軫守太
保九月丙寅朔皇太妃以上納后進衣物馳馬以助會親
頒賜甲戌次黑河以重九登高于高水南阜祭天賜從臣

命婦菊花酒丁丑次河陽比戊寅內外命婦進會親禮物
辛巳納皇后蕭氏丙戌次儒州以大軍將南征詔遣乙室
詳穩乞的郎君拽刺先赴本軍繕甲兵己丑召北大王蒲
奴寧赴行在所甲午皇太后行再生禮又十月丙申朔党
項阻卜遣使來貢丁酉皇太后復行再生禮爲帝祭神祈
福己亥以乙室王帳郎君吳留爲御史大夫政事令室昉
奏山西四川自宋兵後人民轉徙盜賊充斥乞下有司禁
止命新州節度使蒲打里選人分道巡檢北大王帳郎君
曷葛只里言本府王蒲奴寧十七罪詔橫帳太保覈國底
鞠之蒲奴寧伏其罪十一答二十釋之曷葛只里亦伏誣

告六事命詳酌罪之知事勤德連坐杖一百免官甲辰出
居庸關乙巳詔諸京鎮相次軍行諸細務權停理問庚戌
分遣拽刺必邊偵候辛亥命皇族盧帳駐東京延芳浚壬
子詔以勅榜付于越休哥以南征諭拒馬河南六州乙卯
幸西京戊午以南院大王留寧言復南院部民今年租賦
未成以銀鼠青鼠及諸物賜京官僧道耆老甲子上與大
臣分明擊鞠十一月丙寅朔党項來貢庚午以政事令韓
德讓守司徒壬申以古北松亭榆關征稅不法致阻商旅
遣使鞠之女直請以兵從征許之癸酉御正殿大勞南征
將校丙子南伐次狹底塢皇太后親閱輜重兵甲丁丑以
休哥爲先鋒都統戊寅日南至上率從臣祭酒景宗御容
辛巳詔以北大王浦奴盜居奉聖州山西五州公事並聽
與節度使蒲打里共裁決之癸未祭日月爲駙馬都尉勤
德祈福乙酉置諸部監勒所部各守營伍毋相錯雜丙戌
遣謀魯姑蕭繼遠必邊巡徼以所獲宋卒射鬼箭丁亥以
青牛白馬祭天地辛卯次白佛塔川獲自洛訓狐以爲吉
徵祭天地詔駙馬都尉蕭繼遠林牙謀魯姑太尉林八等
固守封疆毋漏間謀軍中無故不得馳馬仍縱諸軍殘南
境桑東壬辰至唐興縣時宋軍屯滹沱橋北選將亂射之
橋不能守進焚其橋癸巳涉沙河休哥來議事北皮室詳

穩排亞獻所獲宋謀二人一賜衣物令還招諭泰州褚特部節度使盧補古都監耶律昫與宋戰于泰州不利甲午祭鹿鹿神以盧補古臨陣遁逃奪告身一通其判官都監各杖之郎君拽刺雙骨里遇宋先鋒於望都擒其士卒九人獲甲馬十一賜酒及銀器乙未以盧補古等罪詔諭諸軍以御盜郎君化哥權褚特部節度使橫帳郎君佛留爲都監代盧補古權領國舅軍桃畏請置二校領散卒詔以郎君世音頗德等充命彰德軍節度使蕭闡覽將軍迪子略地東路詔休哥排亞等議軍事十一月己亥休哥敗宋軍於望都遣人獻俘壬寅營于滹沱北詔休哥以騎兵絕

宋兵毋令入邢州命太師王六謹偵候癸卯小校曷主遇宋輜重引兵殺獲甚衆并焚其芻粟甲辰詔南大王與休哥合勢進討宰相安寧領迪離部及二剋軍殿上率大軍與宋將劉廷讓李敬源戰于莫州敗之乙巳擒宋將賀令圖楊重進等國舅詳穩撻烈哥宮使蕭打里死之丙午詔休哥以下入內殿賜酒勞之丁未築京觀復入南京禁軍擊揚圍城手將以城降詔禁侵掠己酉營神榆村詔上楊團城粟麥兵甲之數辛亥以黑白二牲祭天地癸丑拔馮毋鎮大縱俘掠丙辰邢州降丁巳拔深州以不即降誅守將以下縱兵大掠李繼遷引五百騎款塞願婚大國未作

遼史十一
潘輔詔以王子帳節度使耶律襄之女汀封義成公主下
嫁賜馬三千疋

本紀第十一

本紀第十二

遼史十二

開府儀同三司柱國錄軍國軍事中書省丞相膠國公頌經筵事都統兼臣 懿恭奉

勅修

聖宗三

五年春正月乙丑破東城縣縱兵大掠丁卯次文安遣人
諭降不聽遂擊破之盡殺其丁壯俘其老幼戊寅上還南
京己卯御元和殿大賚將士壬辰如華林天柱二月甲午
朔至自天柱三月癸亥朔幸長春宮賞花釣魚以牡丹徧
賜近臣歡宴累日丁丑以諦居部下拽刺解里偵候有功
命入御盞郎君班祗候夏四月癸巳朔幸南京丁酉上率

百僚冊上皇太后尊號曰睿德神略應運啟化承天皇太
后禮畢群臣上皇帝尊號曰至德廣孝昭聖天輔皇帝戊
戌詔有司條上勳舊等第加恩癸丑清暑水井六月壬辰
召大臣決庶政丙申以耶律蘇為遼郡刺史秋七月戊辰
涅刺部節度使撒葛里者惠政民請留從之是月獵平地
松林九月丙戌幸南京是冬止焉

六年春正月庚申如華林天柱二月丁未奚王篁寧殺無
罪人李浩所司議貴譴貸其罪令出錢贖浩家從之甲寅
大同軍節度使同平章政事劉京致仕己未休哥奏宋事
宜上親覽之丙寅以司天趙宗德齊泰王守平邵祺闕梅

從征四載言天象數有徵賜物有差二月癸未李繼瑄遣
使來貢夏四月乙未幸南京丁酉胡里室橫突韓德讓隨
馬皇太后怒殺之戊戌幸宋國王休哥第五月癸亥南府
宰相耶律沙薨閏月丙戌朔奉聖州言太祖所建金鈴閣
壞乞加修繕詔以南征恐重勞百姓待軍還治之壬寅阿
薩蘭回鶻來貢甲寅烏隈于厥部以歲貢貂鼠青鼠皮非
土產皆於他處貿易以獻乞改貢詔自今止進牛馬六月
癸亥党項太保阿剌恍來朝貢方物乙丑諭諸道兵馬備
南征攻城器具乙酉夷离董阿魯勃送沙州節度使曹恭
順還授于越秋七月丙戌觀市己亥遣南面招討使韓德

威討河湟諸蕃違命者賜休哥排亞部諸軍戰馬已西駐
蹕于洛河壬子加韓德威開府儀同三司兼政事令門下
平章事東京留守兼侍中漆水郡王耶律抹只爲大同軍
節度使癸丑排亞請增置涿州驛傳丙辰以青牛白馬祭
天地八月戊午休哥與排亞曷里曷捉生將至易州遇宋
兵殺其指揮使而還庚申幸黎園溫湯癸亥以將伐宋遣
使祭木葉山丁丑瀕海女直遣使速魯里來朝西北路管
押詳穩速撒哥以伐折立助里二部上所俘獲東路林木
蕭勤德及統軍石老以擊敗女直兵獻俘大同軍節度使
耶律抹只奏今歲霜旱之念乞增價折粟以利貧民詔從

之濱海女直遣厮魯里來修土貢丙申化哥與木不姑春
古里來貢休哥遣詳穩意德里獻所獲宋謀者丁酉皇太
后幸韓德讓帳厚加賞賚命從臣分朋雙陸以盡歡九月
戊戌幸南京己亥有事于太宗皇帝廟以唐元德爲奉陸
軍節度使癸卯祭旗鼓南伐庚戌次涿州射帛書諭城中
降不聽乙卯縱兵四面攻之城破乃降因撫諭其衆駙馬
蕭勤德太師闡覽皆中流矢勤德載帝車中以歸聞宋軍
退遣斜軫排亞等追擊大敗之冬十月戊午攻沙堆驛破
之己巳以黑白羊祭天地庚午以宋隆軍分置七指揮號
歸聖軍壬申行軍叅謀宣政殿學士馬得臣言諭降宋軍

恐終不爲用請並放還詔不允丙子等寧奏破狼山捷辛巳復奏敗宋兵于益津關癸未進軍長城口宋定州守將李興以兵來拒休哥擊敗之追奔五六里十一月甲申上以將攻長城口詔諸軍備攻具庚寅駐長城口督大軍四面進攻士潰圍委城遁斜軫招之不降上與韓德讓邀擊之殺獲殆盡獲者分隸軍辛卯攻滿城圍之甲午拔其城軍事開北門道上使諭其將領乃率衆降戊戌攻下祁州縱兵大掠己亥拔新樂庚子破小狼山砦丁未宋軍千人出益津關國舅郎君挑委詳穩十哥擊走之殺副將一人己酉休哥獻黃皮室詳穩徇地莫州所獲馬二十四士卒二十人命賜降者衣帶使隸燕京辛亥西路又送降卒二百餘人給寒者裘衣以馬得臣權宣徽院事十二月甲寅朔賜皮室祥穩乞得禿骨里戰馬橫帳郎君達打里劫掠命杖之丙辰敗于沙河休哥獻奚祥穩耶魯所獲宋謀丁巳遣北宰相蕭繼遠等往覘安平侍衛馬軍司奏攻祁州新樂都頭劉贊等三十人有功乞加恩賞是月大軍駐宋境是歲詔開貢舉一人及第

七年春正月癸未朔班師戊子宋雞壁砦守將郭榮率衆來降詔屯南京庚寅次長城口三卒出營劫掠答以徇衆以所獲物分賜左右壬辰李繼遷與兄繼捧有怨乞與通

通紀一
好上知其非誠不許癸巳諭諸軍趣易州己亥禁部從伐
民桑梓癸卯攻易州宋兵出遂城來援遣鐵林軍擊之擒
其指揮使五人甲辰大軍齊進破易州降刺史劉墀守陴
士卒南道上帥師邀之無敢出者即以馬質爲刺史趙質
爲兵馬都監遷易州軍民于燕京以東京騎將夏貞顯之
子仙壽先登授高州刺史乙巳幸易州御五花樓撫諭士
庶丙午以青牛白馬祭天地詔諭三京諸道戊申次涿水
謁景宗皇帝廟詔遣涿州刺史耶律守雄護送易州降人
八百還隸本貫己酉次岐溝射鬼箭辛亥還次南京六軍
解嚴二月壬子朔上御元和殿受百官賀詔雞壁砮民二

百戶徙居檀順劄三川甲寅回鶻于闐師子等國來貢乙
卯大饗軍士爵賞有差樞密使韓德讓封楚國王駙馬都
尉蕭寧遠同政事門下平章事是日幸長春宮甲子詔南
征所俘有親屬分隸諸帳者給官錢贖之使相從乙丑賞
南征女直軍使東還丙寅禁舉人匿名飛書謗訕朝廷癸
酉吐蕃党項來貢甲戌雲州租賦請止輸本道從之丙子
以女直活骨德爲本部相分遣巫覡祭名山大川丁丑皇
子佛寶奴生戊寅阿薩蘭于闐轄烈並遣使來貢三月壬
午朔遣使祭木葉山禁芻牧傷禾稼宋進士十七人掣家
來歸命有司考其中第者補國學官餘授縣主簿尉李繼

遷遣使來貢丁亥詔知易州趙質收戰士士卒骸骨築京
 觀戊子賜于越宋國王紅珠筋線命入內神帳行再生禮
 皇太后賜物甚厚以雞辟若民成延朗等八戶隸飛狐已
 丑詔免雲州逋賦乙室王貫寧擊鞠為所部郎君高四縱
 馬突死詔訊高四罪丙申詔開竒峯路通易州市戊戌以
 王子帳耶律襄之女封義成公主下嫁李繼遷是春駐蹕
 延芳淀夏四月甲寅還京乙卯國舅太師蕭闡覽為子排
 亞請上皇女延壽公主許之丙辰謁太宗皇帝廟以御史
 大夫烏骨領乙室大王已未幸延壽寺飯僧甲子諫議大
 夫馬得臣以上好擊毬上疏切諫臣伏見陛下聽朝之暇

以擊毬為樂臣思此事有三不宜上下分朋君臣爭勝君
 得臣在君輸臣喜一不宜也往來交錯前後遮約爭心競
 起禮容全廢若貪月杖誤拂天衣臣既失儀君又難責二
 不宜也輕萬乘之貴逐廣場之娛地雖平至為堅确馬雖
 良亦有驚蹶或因奔擊失其控御聖體寧無虧損太古豈
 不驚懼三不宜也臣望陛下念繼承之重止危險之戲疏
 奏大嘉納之丁卯吐渾還金回鶻安進吐蕃獨朶等自宋
 來歸皆賜衣帶皇太后謁晉首可汗廟丙子以舍利軍耶
 律杳為常袞已卯駐蹕儒州龍泉庚辰遣宣徽使蒲領等
 率兵分道備宋以遙輦副使經骨為舍利拔刺詳穩五

月辛巳祭風伯于儒州白馬村休哥引軍至滿城招誘士卒七百餘人遣使來獻詔隸東京辛卯獵桑乾河壬辰燕京奏宋兵至邊時暑未敢與戰且知易州侯被勦則進擊退則班師從之六月庚戌朔以太師拓母迎台搃之二十辛酉詔燕樂密雲二縣荒地許民耕種免賦役十年甲戌宣政殿學士馬得臣卒詔贈太子少保賜錢十萬粟百石乙亥詔出諸畜賜邊部貧民是月休哥排亞破宋兵于秦州秋七月乙酉御含涼殿視朝丙戌以中丞耶律覈麥哥權夷离畢橫帳郎君耶律延壽為御史大夫癸巳遣兵南征甲午以迪离畢涅刺烏滅三部各四人益東北路夫人婆里德仍給印綬丁酉勞南征將士是日帝與皇太后謁景宗皇帝廟八月庚午放進士高正等二人及第冬十月禁置網捕兔十一月甲申于闐張文寶進內丹書十一月甲寅釣魚于沈子灤癸亥獵于好草嶺

本紀第十二

本紀第十三

遼史十三

開府儀同三司在國錄軍國重事中書省稍監修國史領經筵事都總裁臣騰奉勅修

聖宗四

八年春正月辛巳如臺湖庚寅詔決滯獄庚子如沈子灤
二月丁未朔于闐回鶻各遣使來貢壬申女直遣使來貢
三月丁丑李繼遷遣使來貢庚辰太白熒或闐凡十有五
次乙酉城杏塢以宋俘寶之辛丑置宜州夏四月丙午朔
嚴州刺史李壽英有惠政民請留從之庚戌女直遣使來
貢庚午以歲旱諸部艱食振之五月戊子以宋降卒分隸

諸軍庚寅女直宰相阿海來貢封順化王丙申清暑胡土
白山詔括民田六月丙午以北面林牙磨魯古為北院大
王阿薩蘭回鶻于越達刺于各遣使來貢甲寅月掩天駟
第一星丙辰女直遣使來貢秋七月庚辰改南京熊軍為
神軍詔東京路諸官分提轄司置分定霸保和宣化三縣
白川州置洪理儀坤州置廣義遼西州置長慶乾州置安
德各一縣省遂為松饒寧海瑞玉鐵里奉德等十州及王
由遼豐松山弘遠懷清雲龍平澤平山等八縣以其民分
隸他郡八月乙卯以黑白羊祭天地九月乙亥北女直四
部請內附壬辰李繼遷獻宋俘冬十月丙午以大敗宋軍
復遣使來告己酉阻卜等遣使來貢是月駐蹕大王州十
一月庚寅以吐谷渾民饑振之丁酉太白晝見十二月癸
卯李繼遷下宋麟鄜等州遣使來告女直遣使來貢庚辰
遣使封李繼遷為夏國王癸丑回鶻來貢是歲放鄭雲從
等二人及第

九年春正月甲戌女直遣使來貢丙子詔禁私度僧尼庚
辰如臺湖乙酉樞密使監修國史室昉等進實錄賜物有
差戊子選宋降卒五百置為宣力軍辛卯詔免三京諸道
租賦仍罷括田二月丙午夏國遣使告伐宋捷丁未以涿
州刺史耶律三六為煬隱甲子建威寇振化來遠二城屯

戊卒閏月辛未朔日有食之壬申遣翰林承旨邢抱朴三
司使李嗣給事中劉京政事舍人張幹南京副留守吳浩
分次諸道滯獄三月庚子朔振室韋烏古諸部戊申復遣
庫部員外郎馬守琪倉部員外郎祁正虞部員外郎崔祐
薊北縣令崔簡等分決諸道滯獄甲子幸南京夏四月甲
戌回鶻來貢乙亥夏國王李繼遷遣杜白來謝封冊丙戌
清暑炭山五月己未以秦王韓匡嗣私城為全州六月丁
亥突厥來貢是月南京霖雨傷稼秋七月癸卯通括戶口
乙巳詔諸道舉才行察貪酷濫高年禁奢僭有歿於王事
者官其子孫己未夏國以復級銀一州遣使來告八月癸

酉銅州嘉禾生東京甘露降戊寅女直進喚鹿人壬午東
京進三足烏九月庚子鼻骨德來貢己酉駐蹕廟城南京
地震冬十月丁卯阿薩蘭回鶻來貢壬申夏國王李繼遷
遣使來上宋所授勅命丁丑定難軍節度使李繼捧來附
授推忠効順啓聖定難功臣開府儀同三司檢校太師兼
侍中封西平王十一月己亥以青牛白馬祭天地十二月
夏國王李繼遷潛附于宋遣招討使韓德威持詔諭之是
歲放進士石用中一人及第

十年春正月丁酉禁喪葬禮殺馬及截甲冑金銀器玩丙
午如臺湖二月乙丑朔日有食之韓德威奏李繼遷稱故

不出至靈州浮掠以還壬申兀惹來貢壬午免雲州租賦
庚寅夏國以韓德威俘掠遣使來奏賜詔安慰辛卯給復
雲州流民三月甲辰鐵驪來貢丙辰如炭山夏四月乙丑
以臺湖為望幸里庚寅命群臣較射五月癸巳朔州流民
給復三年七月辛酉鐵驪來貢八月癸亥觀稼仍遣使分
賜苗稼九月癸卯幸五臺山今河寺飯僧冬十月壬申夏
國王遣使來貢戊寅鐵驪來貢十一月壬辰回鶻來貢十
二月庚辰獵儒州東川拜天是月以東京留守蕭恒德等
伐高麗

十一年春三月壬寅回鶻來貢丙午出內帑錢賜南京統
軍司軍高麗王治遣朴良柔奉表請罪詔取女直鴨綠江
東數百里地賜之二月癸亥霸州民妻王氏以妖或衆伏
誅夏四月辛炭山清暑六月大雨秋七月己丑桑乾羊河
溢居庸關西害禾稼殆盡奉聖南京居民廬舍多墊溺者
八月如秋山冬十月甲申朔駐蹕蒲瑰坂是時放進士王
熙載等二人及第

十二年春正月癸丑朔遼陰鎮水漂溺三十餘村詔數舊
渠甲寅以同政事門下平章事耶律碩老為惕隱詔復行
在五十里內租乙卯辛延芳淀戊午蠲且州賦調庚申郎
君耶律鼻舍等謀叛伏誅壬戌以南院大王耶律景為上

京留守封潞水郡王霸州民李在宥年百三十有三賜東
帛錦袍銀帶月給羊酒仍復其家二月甲申免南京被水
戶租賦己丑高麗來貢甲午免諸部歲輸羊及關征庚子
回鶻來貢三月丁巳高麗遣使請所俘人畜詔贖還戊午
幸南京丙寅遣使撫諭高麗己巳涿州水連理壬申如長
春宮觀牡丹是月復置南京統軍都監夏四月辛卯幸南
京壬辰樞密直學士劉恕為南院樞密副使戊戌以景宗
石像成辛延壽寺飯僧五月甲寅詔北皮室軍老不任事
者免役戊午如炭山清暑庚辰武定軍節度使韓德冲秩
滿其民請留從之六月辛巳朔詔州縣長吏有才能無過

者減一資考任之癸未可汗州刺史賈俊進新曆庚子
囚甲辰詔龍鳳兩軍老疾者代之是月太白歲星相犯秋
七月辛亥朔日有食之甲寅遣使視諸道禾稼辛酉南院
樞密使室昉為中京留守加尚父丙寅女直遣使來貢戊
辰觀獲庚午詔契丹人犯十惡者依漢律己卯以翰林承
旨邢昉叅知政事八月庚辰朔詔皇太妃領西北路烏
古等部兵及永興宮分軍撫定西邊以蕭撻寧督其軍事
乙酉宋遣使求和不許戊子以國舅帳剋蕭徒骨為夷離
畢乙未下詔戒諭中外官吏丁酉錄囚雜犯死罪以下釋
之九月壬子室韋党項吐谷渾等來貢辛酉宋復遣使求

通鑑卷一百一十三
五
和不許壬戌行拜奧禮癸酉阻卜等來貢冬十月乙酉獵
可汗州之西山乙巳詔定均稅法丁未大理寺置少卿及
正十一月戊申朔行再生禮鐵驪來貢詔諸部所俘宋人
有官吏儒生抱器能者諸道軍有勇健者具以名聞庚戌
詔部邑貢明經茂材異等甲寅詔南京決滯獄己未官宋
俘衛德升等六人十二月戊寅朔日有食之詔并寧王府
奧理墮隗梅只三部為一其二尅各分為部以足六部之
數甲申賜南京統軍司貧戶耕牛戊子高麗進妓樂却之
庚寅禁游食民癸巳女直以宋人俘海賂本國及兀惹叛
來告丁未辛南京是年放進士呂德懋等二人及第

十三年春正月壬子辛延芳淀甲寅置廣靈縣丁巳增秦
州遂城等縣賦庚申詔諸道勸農癸亥長寧軍節度使蕭
解里秩滿民請留從之庚午如長春宮二月丁丑女直遣
使來貢甲辰高麗遣李周楨來貢三月癸丑夏國遣使來
貢戊辰武清縣百餘人入宋境剽掠命誅之還其所獲人
畜財物夏四月己卯叅知政事邢抱朴以母憂去官起復
丙戌詔諸道民戶應曆以來脅從為部曲者仍籍州縣甲
午如炭山清暑五月壬子高麗進鷹乙亥北南乙室三府
請估官民馬以備軍需不許給以官馬六月丙子朔啓聖
軍節度使劉繼琛秩滿民請流從之丁丑詔減前歲括田

通鑑卷三
六
紐賦甲申以宣徽使阿沒里私城爲豐州丙戌詔許昌平
懷柔等縣諸人請業荒地秋七月乙巳朔女直遣使來貢
丁巳兀惹烏昭度渤海燕頰等侵鐵驪遣奚王和朔奴等
討之壬戌詔蔚朔等州龍衛威勝軍更戌八月丙子夏國
遣使進馬壬辰詔修山澤祠宇先哲廟貌以時祀之九月
戊午以南京太學生貢侵多特賜水碓莊一區丁卯奉安
景宗及皇太后石像于延芳淀冬十月乙亥置義倉辛巳
回鶻來貢甲申高麗遣李知白來貢戊子兀惹歸欵詔諭
之庚子鼻骨德來貢十一月乙巳阿薩蘭回骨遣使來貢
辛酉遣使冊王治爲高麗國王戊辰高麗遣童子十人來
學本國語十二月己卯鐵驪遣使來貢鷹馬辛巳夏國以
敗宋人遣使來告是年放進士王用極等二人

一四年春正月己酉漁于潞河丁巳蠲三京及諸州稅賦
丙寅夏國遣使來貢庚午以宣徽使阿沒里家奴闡貴爲
豐州刺史二月庚寅回鶻遣使來貢三月壬寅高麗王治
表乞爲婚許以東京留守駙馬蕭恒德女家之庚戌高麗
復遣童子十人來學本國語甲寅韓德威奏討党項捷甲
子詔安集朔州流民夏四月甲戌東邊諸亂各置都監庚
寅如炭山清暑己亥鑿大安山取劉守光所藏錢是月奚
王和朔奴東京留守蕭恒德等五人以討兀惹不克削官

等三人

十五年春正月庚午幸延芳淀丙子以河西党項叛詔韓

德威討之庚辰詔諸道勸民種樹癸未兀惹長武周來降

戊子女直遣使來貢己丑詔南京決滯囚乙未免流民稅

二月丙申朔如長春宮戊戌勸品部富民出錢以贍貧民

庚子徙梁門遂城泰州北平民於內地丙午夏國遣使來

貢甲寅問安皇太后丙辰韓德威奏破党項捷丁巳詔品

部曠地令民耕種三月乙丑朔党項來貢戊辰募民耕灤

州荒地免其租賦十年己巳夏國破宋兵遣使來告己卯

封夏國王李繼遷為西平王壬午通括官分人戶免南京

改諸部令穩為節度使五月癸卯詔叅知政事邢抱朴決

南京滯獄庚戌朔州威勝軍一百七人叛入宋六月辛未

女於山清暑鐵驪來貢乙酉回鶻來貢己丑高麗遣使來

問起居後至無時秋七月戊午回鶻等來貢閏月丁丑五

院部進冗地所得金馬冬十月丙辰命劉遂教南京神武

軍士劔法賜袍帶錦幣戊午烏昭度乞內附十一月甲戌

詔諸軍官毋非時畋獵放農乙酉奉安景宗及太后石像

于乾州是月回鶻阿薩蘭遣使為子求婚不許十二月甲

寅以南京道新定稅法太重減之甲子捷凜誘叛酋阿魯

敦等六十人斬之封蘭陵郡王辛南京是年放進上張儉

通稅及義倉粟甲申河西党項乞內附庚寅兀惹烏昭度
以地遠乞歲時免進鷹馬貂皮詔以生辰正旦貢如舊餘
免癸巳宋主吳殂子恒嗣位甲午皇太妃獻西邊捷夏四
月乙未朔罷奚五部歲貢鷹戎戌錄囚壬寅發義倉粟振
南京諸縣民丙午廣德軍節度使韓德凝有善政秩滿其
民請留從之己酉幸南京丁巳致奠于太宗皇帝廟己未
如炭山清暑五月甲子朔日有食之己巳詔平州決滯獄
是月敵烈八部殺詳穩以叛蕭撻渾追擊獲部族之半六
月丙申鐵驪來貢壬子夏國遣使來謝封冊秋七月戊辰
党項來貢辛未禁吐谷渾別部鬻馬於宋丙子高麗遣韓
彥敬奉幣弔越國公主之喪辛卯詔南京疾決獄訟六月
丁酉獵于平地松林皇太后誠曰前聖有言欲不可縱吾
兒爲天下主馳騁田獵萬一有銜橛之變適遺予憂其深
戒之九月丙寅罷東邊戍卒庚午幸饒州致奠太祖廟戊
子蕭撻渾奏討阻卜捷冬十月壬辰朔駐蹕馳山罷奚王
諸部貢物乙未賜宿衛時服丁酉禁諸山寺毋濫度僧尼
戊戌弛東京道魚鰲之禁戊申以上京獄訟繁冗詰其主
者辛酉錄囚十一月壬戌朔錄囚丙戌幸顯州戊子謁顯
慶宮寅謁乾陵是月高麗王治薨姪誦遣王同穎來告十
二月乙巳釣魚土河己酉駐蹕馳山壬子夏國遣使貢

甲寅遣使祭高麗王治詔其姪權知國事丙辰錄囚是年
放進士陳鼎等二人

本紀第十三

本紀第十四

遼史十四

開州鐵同三司上柱國錄軍國事上書丞相監修 國史領 經筵事都總裁 臣脫脫奉

勅修

聖宗五

十六年春正月乙丑如長瀋二月庚子夏國遣使來貢丙
午以監門衛上將軍耶律喜羅為中臺省左相三月甲子
女直遣使來貢乙亥鼻骨德酋長來貢夏四月癸卯振崇
德宮所隸州縣民之被水者丁未罷民輸官俸給自內帑
巳酉祈雨乙卯如木葉山五月甲子祭白馬神丁卯祠木
葉山告來歲南伐庚辰鐵驪來貢乙酉還上京婦人年踰

九十者賜物六月戊子朔致奠於祖懷二陵是月清暑炭
山秋七月丁巳朔錄囚聽政八月丁亥朔東幸九月丁巳
朔駐蹕得勝吳十一月遣使冊高麗國王誦十二月丙
戌宋國王休哥薨輟朝五日進封皇弟恒王隆慶為梁國
王南京留守鄭王隆祐為吳國王是年放進士楊又立等

二八

十七年春正月乙卯朔如長春宮夏四月如炭山清暑六
月元惹烏昭慶來秋七月以伐宋詔諭諸道九月庚辰朔
幸南京己亥朔伐蔡州射鬼箭北院樞密使魏王耶律斜
軫薨以韓德讓兼知北院樞密使事冬十月癸酉攻遂城

不克是蕭繼遠攻狼山鎮石砦破之次瀛州與宋軍戰擒
其將康昭裔宋順獲兵仗器甲無算進攻樂壽縣拔之次
遂城敵衆臨水以拒縱騎兵突之殺戮殆盡是年放進士
初錫等四人及第

十八年春正月還次南京賞有功將士罰不用命者詔諸
軍各還本道二月幸延芳沈夏四月己未駐蹕于清泉淀
五月丁酉清暑炭山六月阻卜叛酋鶻碾之弟鐵刺不率
部衆來附鶻碾無所歸遂降詔誅之秋七月駐蹕于湯泉
九月乙亥朔駐蹕黑河冬十一月甲戌朔授西平王李繼
遷子德昭朔方軍節度使十二月回鶻來貢是年放進士

南承保等三人及第

十九年春正月辛巳以祗候郎君班詳穩觀音爲奚六部
大王甲申回鶻進梵僧名醫三月乙亥夏國遣李文貴來
貢乙酉西南面招討司奏党項捷壬辰皇后蕭氏以罪降
爲貴妃賜大丞相韓德讓名德昌夏四月乙巳幸吳國王
隆祐第視疾丙午問安皇太后五月癸酉清暑炭山丙戌
冊蕭氏爲齊天皇后庚寅以千拽刺詳穩耶律王奴爲乙
室大王辛卯以青牛白馬祭天地六月乙巳以所俘宋將
康昭裔爲昭順軍節度使戊午夏國奏下宋恒環慶等三
州賜詔褒之秋七月丙戌以東京統軍使耶律奴瓜爲

丙申八月庚戌達廬骨部來貢九月己巳朔問安皇太后
后戊子駐蹕昌平庚寅西南面招討司奏討吐谷渾捷辛
卯幸南京冬十月己亥南伐壬寅次鹽溝徙封吳國王隆
祐爲楚國王留守京師丁未梁國王隆慶統先鋒軍以進
辛亥射鬼箭壬子以青牛白馬祭天地甲寅遼軍與宋兵
戰于遂城敗之庚申以黑白羊祭天地丙寅次滿城以泥
淖班師十一月庚午射鬼箭丙子宋兵出淤口益津關來
侵偵候謀注虞人招古擊敗之己卯觀漁儒門樂閨月己
酉鼻骨德來貢己未減關市稅十二月庚辰免南京平州
租稅

二十年春正月庚子如延芳淀癸丑東方五色虹見詔安撫西南面向化諸部甲寅夏國遣使貢馬駝辛酉女直宰相夷离底來貢二月丁丑女直遣其子來朝高麗遣使貢伐宋捷三月甲寅遣北府宰相蕭繼遠等南伐壬戌駝驛駕鴛濼夏四月丙寅朔文班太保達里底敗宋兵于梁州甲戌南京統軍使蕭撻凜破宋軍於泰州乙酉南征將校獻俘賜爵賞有差戊子鐵驪遣使來貢五月乙卯幸炭山清暑六月夏國遣劉仁勛來告下靈州秋七月甲午朔日有食之丁酉以邢抱朴爲南院樞密使辛丑高麗遣使來貢本國地理圖九月癸巳朔謁顯陵告南伐捷冬十月癸亥朔至自顯陵十二月癸丑王府五帳六節度獻七金山土河川地賜金幣是歲南京平州麥秀兩岐放進士邢祥等六人及第

二十一年春正月如駕鴛濼三月壬辰詔修日曆官毋書細事甲午朝皇太后戊午鐵驪來貢夏四月乙丑女直遣使來貢戊辰兀惹渤海奧里米越里篤越里古等五部遣使來貢是月耶律奴瓜蕭撻凜獲宋將王繼忠于望都五月庚寅朔清暑炭山丁巳西平王李繼遷薨其子德昭遣使來告六月己卯贈繼遷尚書令遣西上閣門使丁振吊慰辛巳党項來貢乙酉阻卜鐵刺里率諸部來降是月修

遼系第一四
可敦城秋七月庚戌阻卜烏古來貢甲寅以奚王府監軍
耶律室魯爲南院大王八月乙酉阻卜鐵刺里來朝丙戌
朝皇太后九月己亥夏國李德昭遣使來謝吊贈癸丑幸
女河湯泉改其名曰松林冬十月丁巳駐蹕七渡河戊辰
以楚國王隆祐爲西南面招討使十一月壬辰故于越耶
律休哥之子道士奴高九等謀叛伏誅丙申通括南院部
民十二月癸未罷三京諸道貢

二十二年春正月丁亥如鴛鴦濼二月乙卯朔女直遣使
來貢丙寅南院樞密使邢抱朴薨輟朝三日三月己丑罷
番部賀千齡節及冬至重五貢乙未西夏李德昭遣使上

繼遷遺物百四月丁卯朝皇太后五月清暑出炭山六月戊
子以可敦城爲鎮州軍曰建安秋七月甲申遣使封夏國
李德昭爲西平王丁亥元惹蒲奴里剖阿里越里篤奧里
夾等部來貢八月丙辰党項來貢庚申阻卜酋鐵刺里來
朝戊辰鐵刺里求婚不許壬子駐蹕大牙山九月己丑以
南伐諭高麗丙午幸南京女直遣使獻所獲烏昭慶妻子
丁未致祭于太宗皇帝廟以北院大王磨魯古太尉老君
奴監北南王府兵庚戌命楚國王隆祐留守京師閏月己
未南伐癸亥次固安以所獲謀者射鬼箭甲子以青牛白
馬祭天地丙寅與遼師與宋兵戰于唐興大破之丁卯蕭撻

遼與宋軍戰于遂城敗之庚午軍于望都冬十月乙酉以
 黑白羊祭天地丙戌攻瀛州不克甲午下祈州賚降兵以
 酒脯祭天地己酉西平王李德昭遣使謝封冊十一月癸
 亥馬軍都指揮使耶律課里遇宋兵于洛州擊退之甲子
 東京留守蕭排押獲宋魏府官吏田逢吉郭守榮常顯劉
 綽等以獻丁卯南院大王善補奏宋遣人遺王繼忠弓矢
 密請求和詔繼忠與使會許和庚午攻破德清軍壬申次
 澶淵蕭排押中伏弩死乙亥攻破通利軍丁丑宋遣崇儀
 副使曹利用請和即遣飛龍使韓杞持書報聘十二月庚
 辰朔日有食之既祭未宋復遣曹利用來以無還地之意

遣監門衛大將軍姚東之持書往報戊子宋遣李繼昌請
 和以太后為叔母願歲輸銀十萬兩絹二十萬匹許之即
 遣閤門使丁振持書報聘己丑詔諸軍解嚴是月班師皇
 太后賜大丞相齊王韓德昌姓耶律徙王晉是年放進士
 李可封等三人

二十三年春正月戊午還次南京庚申大饗將卒爵賞有
 差二月丙戌復置榷場於振武軍丁巳夏國遣使告下宋
 青城辛酉朝皇太后以惕隱化哥為南院大王行軍都監
 老君双為惕隱乙丑振覺項部丁卯回鶻來貢丁丑改易
 州飛狐招安使為安撫使夏四月丙戌女直及阿薩蘭回

鶻各遣使來貢乙未鐵驪來貢己亥党項來侵五月戊申朔宋遣孫僅等來賀皇太后生辰乙卯以金帛賜陣亡將士家丙寅高麗以與宋和遣使來賀六月壬辰清暑炭山甲午阻卜酋鐵刺里遣使賀與宋和己亥達旦國九部遣使來聘秋七月癸丑問安皇太后戊午党項來貢辛酉以青牛白馬祭天地壬戌烏古來貢丁卯女直遣使來貢阿薩蘭回鶻遣使來請先留使者皆遣之九月田戌遣太尉阿里太傅揚六賀宋主生辰冬十月丙子朔鼻骨德來貢戊子朝皇太后甲午駐蹕七渡河祭卯宋歲幣始至後為帝十一月戊申上遣太保合住頒給使韓簡太后遣太師

益淑政事舍人高正使宋賀正旦辛亥觀漁祭乾河丁巳詔大丞相耶律德昌出宮籍屬于橫帳十二月丙申宋遣周漸等來賀千齡節丁酉復遣張若谷等來賀正旦二十四年春正月如駕春為樂夏五月壬寅朔辛炭山清暑幽皇太妃胡輦于懷州丙夫人夷懶于南京餘黨皆生瘞之秋七月辛丑朔南幸八月丙戌改南京宮宣教門為元和外三門為南端左掖門為萬春右掖門為千秋是月沙州燉煌王曹壽遣使進大食國馬及美玉以對衣銀器等物賜之九月辛南京冬十月庚午朔帝率群臣上皇太后尊號曰睿德神略應運啓化承天皇帝太后群臣上皇帝尊

號曰至德廣孝昭聖天輔皇帝大赦是年放進士楊信等
二十三人及第

二十五年春正月建中京二月如駕鸞灤夏四月清暑炭
山六月賜皇太妃胡輦死于幽所秋七月壬申西平王李
德昭母薨遣使弔祭甲戌遣使起復九月西北路招討使
蕭圖玉討阻卜破之冬十月丙申駐蹕中京十二月己酉
振饒州饑民

二十六年春二月如長灤夏四月辛卯朔祠木葉山五月
庚申朔還上京丙寅高麗進龍鬚草席己巳遣使賀中京
成庚午致祭祖懷二陵辛未駐蹕懷州秋七月增太祖太

宗讓國皇帝世宗謚仍謚皇太弟李胡曰欽順皇帝冬十
月戊子朔幸中京十二月蕭圖玉奏討甘州回鶻降其王
耶刺里撫慰而還是年放進士史克忠等一十三人

二十七年春正月鈎魚土河獵于瑞鹿原夏四月丙戌朔
駐蹕中京營建宮室庚戌廢霸州處置司秋七月甲寅朔
霖雨潢土幹刺陰涼四河皆溢漂沒民舍八月甲申北幸
冬十一月壬子朔行柴冊禮十二月乙酉南幸皇太后不
豫戊子肆赦辛卯皇太后崩于行宮壬辰遣使報哀于宋
夏高麗戊申如中京己酉詔免賀千齡節是歲御前引試
劉二宜等三人

本紀第十四

本紀第十五

遼史十五

明有儀同三司右議大夫守中書丞相監修國史領經筵事都總裁臣 脫脫

勅修

聖宗六

一十八年春正月辛亥朔不受賀甲寅如乾陵癸酉奉安
大行皇太后梓宮于乾州啟塗殿二月丙戌宋遣王隨王
儒等來吊祭己亥高麗遣魏守愚等來祭是月遣左龍虎
衛上將軍蕭合卓饋大行皇太后遺物于宋仍遣臨海軍
節度使蕭虛列左領軍衛上將軍張崇濟謝宋吊祭三月
癸卯上大行皇太后謚為聖神宣獻皇后是月宋高麗遣

使來會苑并夏四月甲子葬太后於乾陵賜大丞相耶律德昌名曰隆運庚午賜宅及陪葬地五月己卯朔如中京辛卯清暑七金山乙巳西北路招討使蕭圖玉奏伐甘州回鶻破肅州盡俘其民詔修土隄口故城以實之丙午高麗西京留守康肇弒其主誦擅立誦從兄誦詔諸道繕甲兵以備東征秋八月戊申振平州饑民辛亥幸中京丙寅謁顯乾二陵丁卯自將伐高麗遣使報宋以皇第楚國王隆祐留守京師北府宰相駙馬都尉蕭排押爲都統北面林牙僧奴爲都監九月乙酉遣使冊西平王李德昭爲夏國王辛卯遣樞密直學士高正引進使韓杞宣問高麗王詢冬十月丙午朔女直進良馬萬匹乞從征高麗許之王詢遣使奏表乞罷師不許十一月乙酉大軍渡鴨綠江康肇拒戰敗之退保銅州丙戌肇復出右皮室詳穩耶律敵魯擒肇及副將李立追殺數十里獲所棄糧餉鎧仗戊子銅霍貴寧等州皆降排押至奴古達嶺遇敵兵戰敗之辛卯王詢遣使上表請朝許之禁軍士俘掠以政事舍人馬保佑爲開京留守安州團練使王八爲副留守遣太子太師乙凜將騎兵一千送保佑等赴京壬辰守將卓思正殺遼使者韓喜孫等十人領兵出拒保佑等還遣乙凜領兵擊之思正遂奔西京圍之五日不克駐蹕城西高麗禮部郎

中渤海陀失來降庚子遣排押盆奴等攻開京遇高麗兵
敗之王詢棄城遁去遂焚開京至清江鬼

二十九年春正月乙亥朔班師所降諸城後叛至貴州南
岫嶺谷大雨速日馬馳皆疲甲仗多遺棄塞齊乃得渡己丑
次鴨綠江庚寅皇后及皇弟楚國王隆祐迎于來遠城壬
辰詔罷諸軍己亥次東京二月己酉謁乾顯二陵戊午所
俘高麗人分置諸陵廟餘賜內戚大臣三月己卯大丞相
晉國王耶律隆運薨庚辰皇弟楚國王隆祐權知北院樞
密使事樞密直學士高正為北院樞密副使庚寅南京平
州水振之己亥以北院大王耶律室魯為北院樞密使封

韓王北院郎君耶律世良為北院大王前三司使劉慎行
參知政事兼知南院樞密使事夏四月清暑老古塌五月
甲戌朔詔已奏之事送所司附日曆又詔帳族有罪黥墨
依諸部人例乙未以劉慎行為南院樞密使南府宰相邢
抱質知南院樞密使事六月庚戌升蔚州利州為觀察使
乙卯韓王耶律室魯薨丙辰以南院大王化哥為北院樞
密使丁巳詔西北路招討使駙馬都尉蕭圖王安撫西鄙
置阻卜諸部節度使是秋獵于平地松林冬十月庚子駐
蹕廣平淀甲寅贈大丞相晉國王耶律隆運尚書令謚文
忠十一月庚午朔幸顯州十二月庚子復如廣平淀癸丑

以知南院樞密使事邢抱質年老詔乘小車入朝是月置歸寧二州是年御試放高承顏等二人及第

開泰元年春正月己巳朔宋遣趙湘符成翰來賀癸未長

白山三十部女直酋長來貢乞授爵秩甲申駐蹕王子院

丙戌望祠木葉山丁亥女直太保蒲撚等來朝戊子獵于

寅曷魯林庚寅祠木葉山辛卯曷蘇館大吾曷里喜來朝

二月壬子駐蹕瑞鹿原三月甲戌以蔚州為觀察不隸武

定軍乙亥如葦樂丁丑詔封皇女八人為郡主乙酉詔上

日行拜山射柳之禮命北宰相駙馬蘭陵郡王蕭寧樞

密使司空邢抱質督有司具儀物丁亥皇弟楚國王隆祐

從封齊國王留守東京夏四月庚子高麗遣慈惠順來寇

補臣如舊詔望三詢親朝壬寅夏國遣使進良馬巴西祀風

俗辛酉以前孟父房敬穩蕭佛奴為左夷離畢五月戊辰

朔還上京詔裴玄感邢祥知禮部貢舉放進士吏簡等十

九人及第以駙馬蕭紹宗為鄭州防禦使乙亥以邢抱質

為大同軍節度使六月駐蹕上京七月丙子以耶律遂貞

為遼興軍節度使遂正北院宣徽使張昭瑩南院宣徽使

耶律受益上京副留守寇鄉彰德軍節度使命耶律釋身

奴李操充賀宋生辰國信使副蕭涅袞齊泰賀宋正旦使

副進士康文昭張素臣郎玄達坐論知貢舉裴玄感邢祥

私曲秘書省正字李萬上書辭涉怨訕皆杖而徒之萬役
陷河沿八月丙申鐵驪那沙等送元惹百餘戶至賓州賜
絲絹是日那沙乞賜佛像儒書詔賜護國仁王佛像一易
詩書春秋禮記各一部己未高麗王詢遣田拱之奉表稱
病不能朝詔復取六州地是月齊國王隆祐薨輟朝五日
冬十月辛亥如中京閏月丁卯贈隆祐守太師謚仁孝十
月甲午朔文武百官加上尊號曰弘文宣武尊道至德
崇仁廣孝聰睿昭聖神贊天輔皇帝大赦改元開泰改幽
都府為析津府薊北縣為析津縣幽都縣為宛平縣覃恩
中外已亥賜夏國使東頭供奉官曹文斌呂文貴實珪祐

中榮武元正等爵有差癸卯前遼州錄事張庭美六世同
居儀坤州劉興胤四世同居各給復三年甲辰西北招討
使蕭圖玉奏七部太師阿里底因其部民之怨殺本部節
度使霸暗并屠其家以叛阻卜執阿里底以獻而沿邊諸
部皆叛十二月丙寅奉遷南京諸帝石像于中京觀德殿
景宗及宣獻皇后于上京五鸞殿壬申振奉聖州饑民吏
辰賜皇弟秦晉國王隆慶鐵券癸未劉晨言殿中高可垣
中京留守推官李可舉治獄明允詔超遷之甲申詔諸道
水蓄饑民質男女者起來年正月日計傭錢十文價新傭
盡遣還其家歸州言其居民本新羅所遷未習文字請設

學以教之詔允所請貴德龍化儀坤雙遼同祖七州至是有詔始征商已丑詔諸鎮建宣敕樓

二年春正月癸巳朔以裴玄感爲翰林承旨邢祥給事中石用中翰林學士呂德推樞密直學士張儉政事舍人邢抱質加開府儀同三司守司空兼侍中王繼忠中京留守檢校太師戶部侍郎劉涇加工部尚書駙馬蕭紹宗加檢校太師耶律控溫加政事令封幽土丁未如瑞鹿原北院樞密使耶律化哥封幽王以馬氏爲麗儀耿氏淑儀尚寢高氏昭儀尚服李氏順儀尚功艾氏芳儀尚儀孫氏和儀乙未錄囚烏古敵烈叛右皮室詳穩延壽率兵討之是日

達日國兵圍鎮州州軍堅守尋引去二月丙子詔以麥務川爲象雷縣女河川爲神水縣羅家軍爲間山縣山子川爲富庶縣習家砦爲龍山縣阿覽峪爲勸農縣松山川爲松山縣金甸子爲金原縣壬午遣北院樞密副使高正揆察諸道獄三月壬辰朔化哥以西北路略平留兵戍鎮州赴行在夏四月甲子拜日詔從上京請以韓斌所括贍國捷魯河奉蒙等州戶二萬五千四百有奇置長霸興仁保和等十縣丙子如緬山五月辛卯朔復命化哥等西討六月辛酉朔遣中丞耶律資忠使高麗取六州舊地秋七月壬辰烏古敵烈皆復故疆乙未西南招討使政事令斜軫

通志卷之五
奏党項諸部叛者皆遁黃河北模赧山其不叛者曷黨烏
迷兩部因據其地今復西遷詰之則曰逐水草不早圖之
後恐爲患又間前後叛者多投西夏西夏不納詔遣使再
問西遷之意若歸故地則可就加撫諭使不報上怒欲伐
之遂詔李德昭今党項叛我欲西伐爾當東擊毋夫犄角
之勢仍命諸軍各市肥馬丁酉以惕隱耶律滌冽爲南府
宰相太尉五哥爲惕隱癸卯鈎魚曲溝戊申詔以敦睦宮
子錢振貧民己酉化哥等破阻卜酋長烏八之衆丁卯封
皇子宗訓大內惕隱八月壬戌遣引進使李延弘賜夏國
王李德昭及義成公主車馬己丑耶律資忠使高麗還冬

十月己未朔敗庶井之北命耶律阿營等使宋賀生
酉駐蹕長灤丙寅詳穩張馬留獻女直人知高麗事者上
問之曰臣三年前爲高麗所虜爲郎官故知之自開京東
馬行七日有大砦廣如開京旁州所貢珍異皆積于此勝
羅等州之南亦有二大砦所積如之若大軍行由前路取
爲蘇館女直北直渡鴨綠江並大河而上至郭州與大路
會高麗可取而有也上納之十一月甲午錄囚癸丑樞密
耶律王化哥以西征有罪削其官封出爲大同軍節度使
十二月甲子以北院大王耶律世良爲北院樞密使封岐
王以宰臣劉晟監修國史牛璘爲彰國軍節度使蕭孝穆

為出北路招討使放進士鮮于茂昭等六人及第

三年春正月己丑錄囚阻卜酋長烏八來朝封為王乙未

如渾河丁酉女直及鐵驪各遣使來貢是夕彗星見西方

丙午畋潢河濱壬子帝及皇后獵瑞鹿原二月戊午詔增

樞密使以下月俸甲子遣上京副留守耶律資忠復使高

麗取六州舊地三月庚子遣耶律世良城招州戊申南京

奉聖平蔚雲應朔等州置轉運使夏四月戊午詔南京管

內毋全刑獄以妨農務癸亥烏古叛乙亥沙州回鶻曹順

遣使來貢丙子以西北路招討都監蕭孝穆為北府宰相

五月乙酉朔清暑緬山六月乙亥合拔里乙室二國舅為

一帳以乙室夷离畢蕭敵烈為詳穩以總之甲申討皇極

胡都古為廣平郡王是夏詔國舅詳穩蕭敵烈東京留守

耶律團石等討高麗造浮梁于鴨綠江城保宣義定遠等

州秋七月乙酉朔如平地松林壬辰詔政事省樞密院酒

榷授官釋罪毋即奉行明日覆奏八月日寅朔幸沙嶺九

月丁酉八部敵烈殺其詳穩稍元皆叛詔南府宰相耶律

吾剌葛招撫之辛亥釋敵烈數人令招諭其眾壬子耶律

世良遣使獻敵烈俘冬十月甲寅朔幸中京丙子以旗鼓

拽刺詳穩題里姑為奚六部大王放進士張用行等三十

一人及第出身

四年春正月乙酉始瑞鹿原丙戌詔耶律世良再伐迪烈
得戊子命詳穩拔姑溺水瑞鹿原以備春蒐丁酉獵馬蘭
淀壬寅東征東京留守善寧平章涅里表奏已總大軍及
女直諸部兵分道進討遂遣使齎密詔軍前二月壬子朔
如薩提灤于闐國來貢夏四月癸丑以林牙建福爲北院
大王甲寅蕭敵烈等伐高麗還丙辰曷蘇館部請括女直
王殊只你戶舊無籍者會其丁入賦役從之樞密使貫寧
奏大破八部迪烈得詔侍御撒刺獎諭代行執事之禮丙
寅耶律世良等上破阻卜俘獲數戊辰駐蹕泂柳湖己巳
女直遣使來貢壬申耶律出良討烏古破之甲戌遣使賞

有功將殺世良討迪烈得至清泥竭時干厥旣平朝廷議
內徙其衆于厥安土重遷遂叛世良懲創旣破迪烈得轉
蹙其丁壯勒兵渡曷刺河進擊餘黨斥候不謹其將勃括
聚兵稠林中擊遼軍不備遼軍小却結陣河曲勃括是夜
來襲翌日遼役軍至勃括誘于厥之衆皆遁世良追之軍至
險阨勃括方阻險少休遼軍偵知其所世良不亟掩之勃
括輕騎遁去獲其輜重及所誘于厥之衆併遷迪烈得所
獲輜重里部民城撫胸河上以居之是日蕭楊哥尚丙平
郡王五月辛巳命北府宰相劉晟爲都統樞密使耶律世
良爲副殿前都點檢蕭屈烈爲都監以伐高麗晟先携家

置邊郡致緩師期追還之以世良屈烈總兵進討以耶律
德政為遼興軍節度使蕭年骨烈失城軍節度使李仲舉
奉詔賻恤其家六月庚戌上拜日如禮以麻都骨世勳易
改馬為好以上京留守耶律八哥為北院樞密副使秋七
月上又拜日遂幸秋山自八月射鹿至于九月復自癸丑
至于辛酉連獵于有栢碎石大保響應松山諸山丁卯與
夷离畢兵部尚書蕭榮盛定為交契以重君臣之好丙子
以旗鼓拽刺詳穩顯里姑為六部奚王冬十月駐蹕拽刺
割縑十一月庚申詔汰東京僧及命上京中京洎諸宮灑
精兵五萬五千人以備東征十二月南巡海徽還幸顯州

辛未正月丁未北幸庚戌耶律世良蕭屈烈與高麗戰
于郭州西破之斬首數萬級盡獲其輜重乙卯師次而海
軍耶律世良薨于軍癸酉駐蹕雪林二月己卯阻卜卡來
朝辛巳如薩堤灤庚寅以前東京統軍使耶律韓留為右
夷离畢戊戌皇子宗真生三月乙卯鼻骨德長撒保特賽
刺等來貢辛酉諸道獄空詔進階賜物丙寅以前北院大
王耶律敬溫為阿扎割只辛未党項魁可來降夏四月乙
亥振招州民戊寅以左夷离畢蕭合卓為北院樞密伊曷魯
寧為副使庚辰清暑狐樹淀五月甲子尚書蕭姬隱坐出
使後期削其官丁卯以耿元吉為戶部使六月以政事舍

人吳克昌按察霸州刑獄丁丑回鶻獻孔雀秋七月甲辰
獵赤山八月丙子幸懷州有事丁諸陵戊寅還上京九
月癸卯皇弟南京留守秦晉國王隆慶來朝上親出迎
勞至實德山因同獵于松山乙丑駐蹕杏塢冬十月甲午
封秦晉國王隆慶長子查割中山郡王次子遂哥樂安郡
王十月辛丑以參知政事馬保忠同知樞密院事監修
國史丁巳以北面林牙蕭隈洼爲國舅詳穩十二月乙酉
秦晉國王隆慶還至北安薨訃聞上爲哀慟輟朝七日丁
酉未遣張遜王承德來賀千齡節是歲放進士孫傑等四
十八人及第

六年春正月癸卯如錐子河二月甲戌以公主賽哥殺無
罪婢駙馬蕭圖王不能齊家降公主爲縣主削圖王同
章事五詔國舅帳詳穩蕭隗注將本部兵東征高麗
國舅司事以都監攝之庚辰以南面林牙涅合爲南院大
王三月乙巳如顯州葬秦晉國王隆慶有事于顯乾二陵
追州隆慶爲太弟夏四月辛卯封隆慶少子謝家奴爲長
以郡王以樞密使潦水郡王耶律制心權知諸行宮都部
署事壬辰禁命婦再醮丙申如涼陞五月戊戌朔樞密使
蕭合卓爲都統漢人行宮都部署王繼忠爲副殿前都點
檢蕭屈烈爲都監以伐高麗翌日賜合卓劍俾得專殺丙

午錄囚已酉設四帳都詳穩甲寅以南京統軍使蕭惠爲
右夷离畢乙卯祠木葉山潢河乙丑駐蹕九層臺六月戊
辰朔德妃蕭氏賜死葬兔兒山西後數日六風起塚上書
撰大雷電而雨不止者踰月是月南京諸縣蝗秋七月辛
亥如秋山遣禮部尚書劉京翰林學士吳叔達知制誥仇
正已起居舍人程翥吏部員外郎南承顏禮部員外郎王
景運分路按察刑獄辛酉以西南路招討請置寧仁縣于
勝州九月庚子還上京以皇子屬思生大赦丁未以駙馬
蕭璉節度使化哥知制誥仇正已楊佶充賀宋生辰正且
使副乙卯蕭合卓等攻高麗興化軍不克還師冬十月丁
卯南京路饑輓雲應朝弘等州粟振之辛未獵罽子河康
實駐蹕達離山十一月乙卯建州節度使石匡弼卒十二
月丁卯上輕騎還上京戊子宋遣李行簡張信來賀正
節翌日宋馮元張綸來賀正日

本紀第十五

透本紙

